

HAMKORLIKDAGI HARAKATLAR IJOBIY NATIJA BERDI



MUDOFAA VAZIRLIGI TEXNIK TA'MINOTI BOSHQARUV ORGANLARI VA BO'LINMALARI BILAN KUCH TUZILMALARINI JALB QILGAN HOLDA O'QUV-USLUBIY YIG'IN BO'LIB O'TDI.

6-sahifa▶▶

● Gazeta 1992-yilning 24-iyunidan chiqqan boshlagan ● 2022-yil 24-iyun, №25 (2984)

XALQ VA ARMIYA – BIR TAN-U BIR JON!

VATANPARVAR

www.mv-vatanparvar.uz IJTIMOY-SIYOSIY, MA'NAVIY-MA'RIFIY, HARBIY-VATANPARVARLIK GAZETASI



BIR TAN-U BIR JON BO'LIB

"Mudofaa vaziri kubogi" uchun uyushmagan yoshlar o'rtasida o'tkazilgan "Vatanparvarlar" harbiy-sport musobaqasi haqiqiy ma'noda respublika yoshlarini birlashtira oldi.

8-9-sahifalar▶▶

YOSHDA



*Mubarak o'ttiz yosh "Vatanparvar"im,
Yovqurlarga yo'ldosh "Vatanparvar"im.
Mutolaa ahlining sodiq hamrohi,
Elinga yelkadosh "Vatanparvar"im.*

- @ vatanparvar-bt@umail.uz
- t.me/mv_vatanparvar_uz
- t.me/mudofaa_press
- facebook.com/UzArmiya
- instagram.com/uzbekistanarmy
- www.youtube.com/c/UzArmiya

Tahririyat haqida ma'lumot



27-iyun – Matbuot va ommaviy axborot vositalari xodimlari kuni



ЧОП ЭТИЛМАГАН

«Хар йили 27 июнь –
Матбуот ва оммавий
ахборот воситалари
ходимлари кунини
юртимизда касб байрами
сифатида тантана
қилинади. Бу йилгиси,
айниқса, 24 июнь кунини
Мудофаа вазирлигининг
марказий матбуот
нашри – «Vatanparvar»
газетасининг 30 ёшга
тўлгани жамоага икки
карра хурсандчилик
тухфа этмоқда.»

30 йилдан бери мудофаа салоҳияти-мизни тарихга муҳрлаётган газета ҳақида айтадиганларимиз кўп, аммо шу аснода биз мулоҳаза юритмоқчи бўлган мавзу қамрови асрлар тубига бориб тақалади. Шундай кўтаринки кунларда азиз ўқувчилар ҳукмига тарихнинг газетасиз ўтган йиллари, китобсиз яшаган халқлар йўли хусусида айрим маълумотларни тақдим этишга уриндик. Зеро, бу бизнинг кузатувларимиз, таҳлилларимиз, сабоқларимиз... Мақсадимиз эса инсоният ҳаётида матбаачилик, ҳусул билан баҳам кўриш.

Келинг, мавзуни газетадан бошлаймиз. Гарчи маълумот олишнинг қоғоз усули у қадар қадимий бўлмаса-да, шу кунгача қанчадан-қанча инкилобларнинг тирик гувоҳи шак-шубҳасиз газета бўлиб қолади. Илк марта газета XVI аср бошларида Венецияда пайдо бўлган: бу ердаги жарчилар янгиликларни оқ қоғозга тошбосма усулида босиб сотишган. Дастлаб бу варақлар бир газетта (бир танга) бўлган, бу сўз омма-лашиб мазкур нашрлар «газета» номини олган. Ҳозиргидаги ҳақиқий газетани Францияда Т. Ренадо «Ла газетте» номи билан нашр этган. Бу Ғарбда кечаётган воқеалар калавасининг бир учи эди.

Тасаввур қилинг, инсон бир кун китоб ўқимаса ёнқи ахборот манбаларидан узилиб қолса, нима бўлади? «Ҳеч нарса бўлмайди» дейишингиз кундай равшан. Аммо бу ҳол юз йил, асрлар оша давом этса-чи? Масаланинг биз ва бизнинг ота-боболаримиз ўртасидаги катта узилиш сабаблари ҳақида ўйлай бошлаганимга ҳам бир йигит улғайишига еттибди. Аммо қанча уринмай, масаланинг асл моҳияти яна китоб аталмиш дурдонага бориб тақалаётганини тан олишга мажбур бўлади киши. Бунинг асл асослари бор, албатта. Бундан 6-7 аср аввал туркий дунё мудом оламга донг таратган, илми ва зақоси билан ҳар қандай нуқтадан кўрина оладиган тоғ эди. Чунки бу пайтда қўл меҳнатига асосланган юзлаб хаттотлик мактаблари куну тун ишлаб турар, шу йўл билангина халқнинг билим олишга, ўқишга бўлган талаби қондирилган эди. Аммо бора-бора хаттотлик мактабларининг дарвозасига аста-секин қулф осила бошланди. Кейин нима бўлганини тасаввур қила оласизми?

«Мамлакатлар таназзули сабаблари» номли китобни ўқир эканман, анчадан бери ўйлаб юрган айрим саволларга жавоб топгандай бўлдим. «Чоп этиш тақиқланади» деб номланган мақола «New York Times» ва «Wall Street Journal» нашрларида босилган. Унда башариятнинг саводсизлик ва илмий инкирозларга олиб келган айрим омиллар ҳақида баҳс юритилади.

Мақоладан иқтибос: «...1445 йилда Германиянинг Майнц шаҳрида Иоҳанн Гутенберг кейинги иқтисодий тарих учун жиддий таъсир кўрсатган ихтирони – те-риладиган литерга асосланган китоб босиш қурилмасини намойиш қилди. Ўша пайтгача китоблар ё хаттотлар томонидан кўчирилган, – бу жуда секин ва машаққатли меҳнат эди, – ёки ҳар бир саҳифага ёзув босиш учун тайёрланган алоҳида ёғоч бўлақларидан фойдаланиларди. Ғарбий Европада матбаачиликнинг аҳамиятини тезда англаб етдилар.

1460 йилдаёқ чегаранинг шундоққина нариги тарафида – Франциянинг Страсбург шаҳрида китоб босиш дастгоҳи ишга тушди. XV асрнинг 60-йиллари охирига келиб, бу технология Италия бўйлаб тарқалди. Даставвал Рим ва Венецияда, кўп ўтмай эса Флоренция, Милан ва Туринда босма-хоналар пайдо бўлди».

Бу ихтиро чин маънода инсоният онгида туб бурилиш ясай олган воқеа эди. Чунки шу кунгача китоб қиммат ва камёб бўлиб келган, энди эса уни миллионлаб ададда чоп этиш, оммавий саводхонлик даражасини кескин ошириш имкони юзага келган эди. Айнан шу санада Шарқ ўлкаларида, хусусан, бизнинг диёрларда нималар бўлаётган эди? Айтайлик, 1445 йилда Алишер Навоий 4 ёшда эди, яъни мактабга бориб, тез савод чиқариб, туркий ва форсий тилдаги шеърларни ўқиб, ёд ола бошлаган, ўзбек тили билан бир қаторда форсий тилни ҳам мукамал эгаллаган эди.

1469 йилда эса Ғарбда китоблар оммавий равишда кўп нусхада босиб чиқарилаётган бир пайтда Мовароуннаҳрда хаттотлик санъатида ҳам мисли кўрилмаган ҳуксалишлар давом этаётган эди. Шу давр-юксалишлар давом этаётган турли минтақаларида ўз хусусиятлари билан фарқланган бошлаб Марказий Осиёнинг турли минтақаларида ўз хусусиятлари билан фарқланган бўлди. Жумладан, XV асрда темурий хукмдорлар кенг қўллаб-қувватлашлари натижасида вужудга келган ва Султонали



САҲИФАЛАР

Машҳадий, Дарвеш Муҳаммад Тақий Ҳиравий, Абдулжамил Котиб каби вакиллари билан танилган Ҳирот хаттотлик мактаби фаолият юритар эди.

Ғарбда битта китоб босиш қурилмаси сон-саноксиз китоблар оғир ва нозик қўл меҳнатига асосланиб китоб тайёрланар, шундай бўлса ҳам ўша замоннинг оддий ўқувчиси учун китоблар қиммат ва ноёб бўлиб қолаётган эди.

Мақоладан иқтибос: «...1476 йилда Уильям Кекстон Англиядаги биринчи китоб босиш қурилмасини Лондонда ўрнатади, икки йил ўтиб, Оксфордда ҳам яна бир қурилма ишга тушади. Худди шу пайтда китоб босиш Голландия, Испания ва ҳатто Шарқий Европага ҳам кириб борди: биринчи босмахона Будапештда 1473 йилда очилган бўлса, бир йил ўтиб, янги дастгоҳ Краковда ҳам иш бошлади».

Шу ўринда сизга туркий ва араб оламини асрлар давомида ўқиш ва савод чиқариш саодатидан мосуво этган, шу билан бирга цензура сабаб узок йиллар нодир китобларнинг босилишига йўл бермаган куйидаги фактни келтириб ўтмоқчиман:

Мақоладан иқтибос: «...Бироқ ҳамма ҳам китоб босишни мақбул янгилик сифатида баҳоламади. 1485 йилдаёқ Усмонли давлатида султон Боязид II мусулмонларга араб ёзувида китоб босишни қатъий тақиқловчи фармон чиқарди. (Бу вақтда Андижонда Мирзо оиласида дунёга келган Бобур Мирзо 2 ёшда эди). Бу тартибни кейинчалик 1515 йилда Султон Салим I ҳам сақлаб қолди».

Энг ачинарлиси, 1727 йилгача Усмонлилар салтанати ҳудудида китоб босиш қурилмасидан умуман фойдаланилмади. Ўша йили султон Аҳмад III Иброҳим Мутафарриқка босмахона ташкил қилишга изн беришига қарамай, шу кечиккан ҳаракат ҳам чекловлар билан қуршалганди.

Буни қарангки, цензура чархпалаги соатдай аниқ ва равон ишлар эди. Мақолада келтирилишича, 1727 йилда Мутафарриққа матбаа ташкил қилишга ижозат берилган аммо у чоп этган ҳар қандай нарсани уч нафар диний ва қонуншунос уламо – қоши лозим эди. Табиийки, яқунда санокли китобгина дунё юзини кўрган. Босмахона қурилган 1729 йилдан то фаолияти тўхтаган 1743 йилгача 17 та китоб босилди, холос. Тасаввур қиялсизми, бутун бошли халқни маънавиятли қилишга бел боғлаган нашриёт 14 йил вақт оралиғида 17 та китобни чоп қила олган.

Икки аср аввалги саводхонлик билан боғлиқ бўлган ушбу статистика ҳар қандай кишини ҳайратдан ёқа ушлашга мажбур

қилиши табиий. Китобларни янги қурилмада босишга қаршилик, асрлар оша илмдан холи яшаш бутун бир халқ ҳаёти ва тараққиётини тасвирига бўлмас даражада ожиз аҳволга солиб қўйди.

Мақоладан иқтибос: «...XIX аср бошида Усмонли салтанати фуқароларининг тахминан 2-3 фоизи саводли бўлган, Англияда эса эркакларнинг 60 фоизи, аёлларнинг 40 фоизи ўқиш ва ёзишни биларди».

Халқ ва китоб ўртасидаги асрий узилишлар кенг омма билим даражасини қай аҳволга солганини чамалаб кўрар экансиз, ўтган вақт давомида бирор бир катта янгиликка қўл урилмагани, илмий кашфиётлар ўтмишда қолиб кетганига бевосита гувоҳ бўласиз.

Тарихнинг бу аччиқ сабоғи китоб ва виртуал дунёдан ўзгасида кўролмаётган тоифалар ва уларнинг енгил-елпи қарашларини тартибга солар, эҳтимол.

Тўғри, XIX асрдан кейин ҳам ҳаёт тўхтаб қолмади. Маърифатпарвар-зиёлиларимиз хатти-ҳаракатлари билан бир қанча муҳим ишлар кучли қаршилик ва тазйиқлар билан бўлса-да, амалга оширилди.

1868 йили Тошкентдаги ҳарбий округ штабида Ўрта Осиёдаги биринчи босмахона ташкил этилди. 1883 йили ўзбек тилидаги илк газета – «Туркистон вилоятининг газети» нашр этила бошлади. 1918 йил 21 апрелда Тошкентда Ўрта Осиёда биринчи олий ўқув юрти – Туркистон халқлари университети очилди. 1927 йил 11 февралда илк марта Ўзбекистон радиоси мунтазам эшиттириш бера бошлади...

Дарвоқе, китоб босишдаги биргина янгиликнинг ўз вақтида ўзлаштирилмагани, цензурага йўл қўйилгани қанчадан-қанча халқ ва элатларни саводсизлик домига ташлади, уларнинг ривожланиш ва ўсиш йўлларини саводсизлик томон буриб юборди.

Бу – асрий узилишларимизнинг бир толаси. Бугунги кунимизнинг қиёфаси ҳам аслида алоҳида тадқиқларга муҳтож. Илм олиш, ўқишнинг турфа шаклларида уринаётган, қари бирдай фойдаланишга уринаётган, минглаб китоб босиш дастгоҳлари ишлаб турган шундай замонда китоб ўқишга тарғиб қилиш ҳамон «тренд»да экани кишини ташвишга солса-да, аслида бунинг ҳеч уятли жойи йўқ. Муҳими, тўғри йўлга тарғиб бор. Алломаларимиз айтганидек, чивинга яқин бўлсангиз, у сизни чиқиндига яқинлашти- ради. Боларига яқин бўлсангиз – гулзорга яқинлашганингиз муборак бўлсин!

Катта лейтенант
Бобур ЭЛМУРОДОВ,
«Vatanparvar»



Imtihon

Мудофаа вазирлиги олий ҳарбий таълим муассасаларида якуний давлат аттестацияси якунланди. Йиллар давомида малакали мутахассислардан керакли билим ва кўникмаларни ўзлаштирган курсантлар орзиқиб кутган кунлар етиб келди. Улар елкасида ярақлаб турган илк офицерлик унвонига эришган ҳолда жойларда ўз фаолиятини бошлашга тайёр. Катта ҳаётий имтиҳонлар олдидан ўтказилган кичик синовларда курсантлар орттирган билим ва кўникмаларини намоён этишди.



ҒАЛВИР

ЧИРЧИҚ ОЛИЙ ТАНК ҚЎМОНДОНЛИК-МУҲАНДИСЛИК БИЛИМ ЮРТИДА

Бўлажак офицерлар гуманитар фанлар, тактика, артиллерия тактикаси ва хорижий тиллар бўйича олган назарий ва амалий билимларини синовдан ўтказди.

– Биз ҳарбий билим юртида олган назарий ва амалий билимларимиз сарҳисоби ўлароқ имтиҳон топширдик, – дейди курсант Лазизбек Сайфиддинов. – Эгаллаган билим ва кўникмаларимизни ҳарбий қисм ва муассасаларда шахсий таркибнинг маънавий ва руҳий ҳолатини яхшилаш ҳамда мудофаа салоҳиятимизни янада юксалтириш учун сафарбар этамиз.

– Якуний давлат аттестацияси нафақат курсантларнинг билим, салоҳиятини баҳолаш, балки таълим ва тарбия берган билим юртининг мавқеини ҳам белгилаб берадиган синовдир, – дейди подполковник Ўктам Уринов. – Бугунги кунда олий ҳарбий таълим муассасалари кўп тармоқли билим юртларига айланиб бораётгани ҳеч кимга сир эмас. Хусусан, Чирчиқ олий танк қўмондонлик-муҳандислик билим юртида саккизта йўналиш бўйича юқори малакали офицер кадрлар тайёрланади. Машғулотларнинг 60 фоизи амалий кўринишга эга бўлиб, дала-ўқув майдонларида ўқув кўникмалари шаклланимоқда. Олиб борилаётган ислохотлар натижасида дунёнинг етакчи олий ҳарбий таълим муассасалари билан ҳамкорлик йўлга қўйилгани ҳам билим юртида таҳсил олаётган курсантлар учун замонавий тажрибалар билан танишиш имконини бермоқда.

КЎТАРИЛДИ

АХБОРОТ-КОММУНИКАЦИЯ ТЕХНОЛОГИЯЛАРИ ВА АЛОҚА ҲАРБИЙ ИНСТИТУТИДА

Битирувчи курсантлар тактик махсус тайёргарлик, хорижий тиллар ҳамда ҳарбий махсус ва ҳарбий-техник тайёргарлик бўйича олган назарий ва амалий билимларини синовдан ўтказди.

– Таълим муассасамизда энг сўнги жиҳозлар билан таъминланган шароитларда таълим олдик, – дейди курсант Арслонбек Файзуллаев. – Ҳарбий институт билан бошқа олий таълим муассасаларини таққослаш имконига эга бўлган курсант сифатида бемалол айта олишим мумкинки, бу ердаги таълим жараёни тартиб ва вақтнинг тенг тақсимланиши қатъий назорат остида. Ёшлик даврида олинган билимнинг тошга ўйилган нақш мисоли мустаҳкамлигини алломаларимиз айтиб ўтишган. Бу ҳикмати англаган профессор-ўқитувчи ва офицерларимиз вақтнинг қадри ва қимматини англашимизда катта кўмак беришди.

– Битирувчи курсантлар ўзлаштирган билим ва кўникмаларини имтиҳон жараёнида намоён этишди – дейди майор Шерқўзи

Ҳақимов. – Ҳозирда бирор соҳа йўқки, жаҳон тилларидан бирини мукамал билишни тақозо этмас. Шунинг учун ҳам олий ҳарбий таълим муассасаларининг ҳар бирида чет тилларни ўқитиш йўлга қўйилган. Дунёнинг нуфузли олий ҳарбий таълим муассасалари билан тажриба алмашиш курсантларга ҳам, профессор-ўқитувчиларга ҳам фақат ва фақат ижобий натижа бермоқда. Ёшларнинг кенг фикрлиги, тил билиши, замонавий технологияларни бемалол бошқара олиш қобилиятининг шаклланиши, ўзига бўлган ишончи келажакда бўйсунувчиларига янги билимларни ўргатиш имконини беради.

ЎЗБЕКИСТОН РЕСПУБЛИКАСИ ҚУРОЛЛИ КУЧЛАРИ ҲАРБИЙ ТИББИЁТ АКАДЕМИЯСИДА

Ўзбекистон Республикаси Қуролли Кучлари ҳарбий тиббиёт академияси курсантлари ҳам якуний давлат аттестациясини топширди. Битирувчи курсантларнинг назарий билим ва амалий кўникмалари тиббиёт соҳасининг профессорлари кузатувида ўтказилди. Симуляция хоналарида тиббий ёрдамга муҳтож

ярадорлар учун биринчи амалий кўмакнинг тўғри ва аниқ бажарилиши комиссия аъзолари томонидан синчковлик билан кузатиб борилган бўлса, соҳага оид назарий саволлар компьютер хоналарида бўлиб ўтди.

– Болалигимда ҳарбийлик касбини жуда яхши кўрадим. Аммо уйимдагилар киз болага мос касбни танлашимни исташарди. Бугунги кунга келиб, ҳам менинг орзум ушалди, ҳам уйимдагиларнинг. Мен ҳарбий шифокор бўлиш арафасидаман, – дейди курсант Муниса Музаффарова. – Биз танлаган касб хато ва ёлғонни ҳеч қачон кечирмайди. Шунинг билан ҳам назарий ҳолда ўқиш ва изланишдан ҳеч қачон тўхтамайман.

– Ўзбекистон Республикаси Қуролли Кучлари ҳарбий тиббиёт академияси миллий армиямиз учун ҳарбий шифокорларни тайёрлаб беради. Бугунги кунга келиб, таҳсил жараёнининг ниҳояси бўлмиш давлат имтиҳонларини тамомлаб олдик, – дейди тиббий хизмат полковниги Абдуҳамид Бекенов. – Якуний давлат аттестацияси клиник ва ҳарбий мутахассислик фанларидан бўлиб ўтди. Клиник йўналишидаги синовлар тиббиёт соҳасидаги энг номдор шифокор ва мутахассислардан иборат комиссия аъзолари кузатуви остида ўтди. Кузатувчиларнинг хулосасига кўра, курсантларимизнинг натижалари жуда яхши. Ўйлайманки, бўлажак тиббий хизмат офицерлари ўз соҳасининг етук мутахассислари бўлиб етишади.

Шерзод ШАРИПОВ,
«Vatanparvar»

ИСМИ ЖИСМИГА МОС —

ХАЛҚАРО АРМИЯ ҲАМКАРЛАРИНИНГ «СОДИҚ ДЎСТ» МУСОБАҚАСИДА 2021 ЙИЛДАН БОШЛАБ ҚИЗЛАР ЖАМОАСИНИНГ ИШТИРОКИ ЙЎЛГА ҚЎЙИЛИБ, ЎЗБЕКИСТОН ТЕРМА ЖАМОАСИ УНИНГ БИРИНЧИ ҒОЛИБИ СИФАТИДА ТАРИХДАН ЖОЙ ОЛДИ. «МОҲИР МЕРГАН» БЕЛЛАШУВИДА 132 БАЛЛ ТЎПЛАШГА ЭРИШГАН ИРОДА ОЛИМОВА ЭСА МУСОБАҚА РЕКОРДЧИСИ ДЕГАН ШАРАФЛИ НОМГА САЗОВОР БЎЛДИ.


БЕНАЗИР, ИРОДА, ВИКТОРИЯ

Бу йил мамлакатимиз шаънини ҳимоя этадиган доғ биатлончи қизлар чемпионлик унвонини сақлаб қолиш билан бирга, ўз олдига янги-янги рекордларни ўрнатишни мақсад қилиб қўйишган. «Содиқ дўст» мусобақасининг жорий йилги беллашувларига Чирчиқ шаҳри мезбонлик қилади ва бу Ўзбекистон терма жамоаси масъулиятини янада оширади. Ўтган йили чемпионлик унвонини қўлга киритган Ирода Олимова, Мавсума Суярова, Маржона Оққўзиева сингари тажрибали қизлар бу йил ҳам жамоа сафида. Жамоа сафи Саида Абдумўминова, Беназир Ҳақимова, Ўғилой Музаффарова, Виктория Морозовадек иқтидор эгалари билан тўлдирилди. Халқаро армия ўйинларининг «Тиббий эстафета» йўналишида бир неча йил Ўзбе-

рухсат берувчи имкониятга эга бўлдилар. Чирчиқ олий танк қўмондонлик-муҳандислик билим юрти ҳаво-десантчилар кафедраси ўқув синфлари ҳамда тренажёр майдонларида олиб борилган икки ҳафталик машғулотлар натижасида «Содиқ дўст» жамоасининг янги қирралари шаклланди.

Мудофаа вазирлиги Жанговар тайёргарлик бош бошқармаси инспектори подполковник Хайрулло Акрамов, Чирчиқ олий танк қўмондонлик-муҳандислик билим юрти ҳаво-десантчилар цикли катта ўқитувчиси подполковник Ғайрат Нурметов ва бошқа масъул офицерлар кузатуви остида жамоа аъзолари имтиҳонни аъло баҳоларга топширишди. 25 метр баландликдаги амалий сакраш тренажерида қизлар бир неча марта муваффақиятли уринишларни амалга оширдилар. Эътиборли жиҳати шундаки, «Бояра», «Гита», «Бренда» ва «Мальвина» лақабли хизмат итлари ҳам ўз эгалари билан биргаликда сакраш машқларида қатнашди.

Ирода Олимова, Саида Абдумўминова, Беназир Ҳақимова, Мавсума Суярова, Маржона Оққўзиева, Виктория Морозова ҳамда Ўғилой Музаффарованинг парашют тренажерида сакраганини кузатганлар қизларнинг исми жисмига нақадар мослигига гувоҳ бўлишди. Беназирнинг нуқсонсиз ҳар бир ҳаракати, Ироданинг мақсадга эришиш йўлидаги иродаси, Викториянинг ғалабага бўлган интилиши бутун жамоада уйғунлашди. 25 метр баландликдан иборат тренажёрдан сакраш кимлар учундир жуда оддий кўриниши мумкин. Кимдир бу вазифани қўрқув билан, кимдир эса қизиқиши ёки интилиши тўғрисида бажаргандир. Аммо ҳаётида бу тўсиқни биринчи бор, боз устига хизмат итлари билан биргаликда енгиб ўтган Ирода, Саида, Беназир, Мавсума, Маржона, Виктория ҳамда Ўғилойнинг жасоратига,



кистон терма жамоаси шаънини муносиб ҳимоя этиб келган Саида Абдумўминова эндиликда «Содиқ дўст» мусобақаси бўйича сафдош дугоналарини ғалаба томон руҳлантиришга тайёр.

Мудофаа вазирлиги мутахассис ва хизмат итларини тайёрлаш марказида мусобақага тайёргарлик кўраётган ҳар икки (эркаклар ва қизлар) жамоа аъзолари қўшалоқ ғалабага эришиш йўлида тинимсиз машғулотларда қатнашмоқда. Йигитлар ҳам, қизлар ҳам ҳар куни «Содиқ дўст»



бахсларининг бешта йўналиши – 300 метрлик тўсиқлар йўлаги, эстафета (4x1600 метр), доғ биатлони, ҳимоя-қоровул хизмати ва хизмат итларига буйруқ бериш топшириқларидан ташқари турли чиниқтирувчи, иродани тоблантирувчи ва рақибларини доғда қолдирувчи яширин усуллар билан шуғулланишяпти.

Қизларнинг парашют билан сакраш машқларида қатнашганлигини рақибларни доғда қолдирувчи яширин усуллардан бири сифатида кўрсатиш мумкин. Гуруҳ бошлиғи майор Шодиёр Шомуродов билан биргаликда 50 соатлик назарий ва амалий жараёнларда қатнашган қизлар парашют билан сакрашга

руҳиятига, ғалабага бўлган интилишига қойил қолмасдан илож йўқ.

Шу ўринда Халқаро армия ўйинларининг «Содиқ дўст» мусобақасига парашют билан сакраш шарти ҳам киритилганми, деган ўринли савол тўғрисида табиий. Йўқ, киритилмаган. Бунинг жамоанинг рақибларини доғда қолдирувчи яширин усуллардан бири, десак адашмаймиз. Шунингдек, подполковник Хайрулло Акрамовнинг таъкидлашича, келгусида Мудофаа вазирлиги томонидан аҳоли ўртасида парашют билан сакраш спортини янада ривожлантириш мақсадида шу кўринишдаги жараёнларга кенг эътибор қаратилади.

**Асрор РЎЗИБОЕВ,
«Vatanparvar»**

O'quv-uslubiy yig'in



HAMKORLIKDAGI HARAKATLAR

UJOBIY NATIJA BERDI

MUDOFAA VAZIRLIGI
TEXNIK TA'MINOTI
BOSHQARUV
ORGANLARI VA
BO'LINMALARI BILAN
KUCH TUZILMALARINI
JALB QILGAN HOLDA
O'QUV-USLUBIY YIG'IN
BO'LIB O'TDI.



Mashg'ulotlar "Termiz" poligoni va harbiy qism hududida joylashgan o'quv nuqtalarida o'tkazildi. Amaliy mashg'ulotlardan so'ng yig'in ishtirokchilarining texnik ta'minotni tashkillashtirish bo'yicha bilimlari nazorat savollari orqali sinovdan o'tkazildi hamda sohaga oid mavjud muammolar va ularning yechimi yuzasidan takliflar tinglandi.

Shuningdek, mashg'ulotlar davomida muhandislik bo'linmasi harbiy xizmatchilari tomonidan ko'chma ko'priklar barpo etish, safdan chiqqan texnikalarni evakuatsiya qilish bo'yicha ham amaliy mashqlar namoyish etildi. Marsh davomida qisqa to'xtash hududida

qurol-aslaha va harbiy texnikalarda ekipaj tomonidan nazorat ko'riklarini o'tkazish, jangovar mashinalarni yonilg'i-moylash mahsulotlari bilan to'ldirish, dam olish hamda qo'riqlovni tashkillashtirish tartiblari bo'yicha ham o'quv mashg'ulotlari amaliy tarzda ko'rsatildi.

Yana bir o'quv joyida jangovar harbiy texnikalarni temiryo'l platformalariga ortish, tushirish va poyezdning harakatlanishi vaqtida xavfsizlik qoidalariga qat'iy amal qilish hamda qorovul shaxsiy tarkibi uchun mo'ljallangan maxsus vagon

imkoniyatlari, yangi rusumdagi zanjir tasmalaridan foydalanish, ularni saqlash va texnikalarni niqoblash bo'yicha mashg'ulotlar o'tkazildi. Shu bilan birga yig'in ishtirokchilariga jihozlangan dala parki hamda unda tashkil etilgan qo'riqlov, rahbariy hujjatlarning talablari hamda barpo etiladigan elementlar varianti amalda ko'rsatildi.

Tadbir yakunida harbiy qism madaniyat markazida o'quv-uslubiy yig'inning o'tkazilish holati, sohaga oid kamchiliklar va nuqsonlar yuzasidan muhokama o'tkazildi. Shuningdek, harbiy qism parkida yig'in

ishtirokchilarining malaka darajalarini tekshirish maqsadida me'yorlar asosida mutaxassislik bo'yicha sinovlar qabul qilindi.

Ushbu yig'inni tashkillashtirishda va sifatli o'tkazishda faol qatnashgan Mudofaa vazirligi hamda kuch tuzilmalaridan bir guruh harbiy xizmatchilar mudofaa vaziri nomidan qimmatbaho sovg'alar hamda faxriy yorliqlar bilan taqdirlandi.

III darajali serjant
Akbar AHMEDOV
Termiz garnizoni



Keling, kitob o'qiyimiz!

**МЕН БОЙСУНГА БОРМАСДАН
ХАВОСИДАН ТҲЙИБ-ТҲЙИБ
НАФАС ОЛДИМ. УНДАГИ
ҲАР БИР ҲНГИР, ҚИРУ
АДИРЛАР, ДОВ-ДАРАХТЛАР
ҚАДРДОН БЎЛИБ
ҚОЛДИ. ОДАМЛАРИНИ
АЙТМАЙСИЗМИ?! ХУДДИ
ЎЗИМНИНГ ҚИШЛОҒИМДА
ЮРГАНДЕКМАН.**

Ўй, бу масканни Ўзбекистон халқ ёзувчиси Шукур Холмирзаев билан бирга кезганимни унутолмайман. Эркин Аъзам ўқиган мактабдаги хотиралар. Усмон Азимнинг болалигидаги ажиб воқеалар. Ҳақиқатан ҳам адабиёт саккизинчи мўъжиза. Мен ҳали таассуротларимни энди бошладим.

Ўша афсонавий адиб Шукур Холмирзаевнинг дала ҳовлисидаги суҳбатлар, унинг ижодга шўнғиган маҳалдаги қарашлари. Ўзига «чўкиб кетиш»и.

Ёзувчи билан газеталар биносида лифтда 4-қаватгача бирга чиққанман. Нимадир дегим келарди. Ўша маҳалда мен ишлаётган «Маърифат» газетасида «Бу кишим – устоз, мен – шогирд» эссеси босилаётганди. Шунини ўқиётганимни айтиб, мақтандим. Жавоби шу бўлди:

– Эринмаган, ўқияпсанми...

Кунларнинг бирида тушликка чиқаётган маҳалим Шодмонқул Салом билагимдан ушлаб, «Шукур ака ўлди» деб ўтиб кетди. Лекин тирик экан. Мен ўша ёзувчи билан неча кунлар бирга яшадим.

Ҳар куни ишга келиб, қайтишда йўл бўйидаги қабристонда осуда ором олаётган шоир Шавкат Раҳмонни хотирлаб ўтаман.

*Сўзларни қайрайлик, тагин қайрайлик,
Токи кескир бўлсин мисоли олмос.
Ўткир сўз қолмаса шоирларидан,
Ўткир сўз қолмаса, ҳеч нарса қолмас.*

Дунё ташвишларидан ортган бўлиб, бир мартагина мазорини тозалаган бўлдим. Ана шундай миллатпарвар, чапани, тўғрисиўз шоир билан нафақат суҳбатлашиш, балки бирга саёҳатларга чиқиш насиб қилди. Сафарлар чоғида қанчалар завқланганимни ёзишга тафаккурим ожизлик қилади. Муҳими, шоирни инсон сифатида яқинроқдан танидим.


Рауф Парфи билан диллашиш, унинг кўнглига сайр қилиш. Тириклик вақтида неча бор кўриб, суҳбатлашишга жазм қилмаган ўзимни айбашлардан қутултирди. Шоирнинг «тирик ғусса» эканини англадим. «Назаримда, у ўлгани йўқ, ҳалок бўлди», деб ёзади муаллиф. Хаёлларим чувалашиб кетади...

Асқад Мухторни эслаган шоир аччиқ бир ҳақиқатни ёзади: «Ўлим дунёни мувозанатда ушлаб турувчи энг сирли ҳақиқатдир». Менинг ичимни доим кемирадиган дард шоирни ҳамиша безовта қилади: «Буюк асарларни турмуш ташвишлари оқизиб кетяпти». Китобни ўқиб, Абдулла Қаҳҳорни қайта кашф қилдим.

Режиссёр Баҳодир Йўлдошевга эҳтиромим юқори эди. Суҳбатларидан биридаги «кичик ишларга катта куч сарфламанглар» жумласини, «душманлар билан курашишга куч, вақт ажратиб юрманглар, Худонинг одами бўлмай қоласизлар» иборасини кўп эслаб юрардим. Бу ижодкорда ёндашарга битиладиган сўзлар сероб экан.

Ютоқиб ўқишда давом этаман, тугаб қолишидан хавотирга тушаман. Ўқиётганингиз ушбу сатрларни китоб поёнига етмасидан ёзишни бошладим.

**ЎЗНИ
ФОШ
(КАШФ)
ЭТИШ
САБОҒИ**



Бугун ижодкорлар орасида «Устоз-шогирд» аънанаси бир оз сусайгандек. Биз пайқаманган кўп нарсани вилиб қўйганлар, «сир»ни бошқалардан қизғанаётгандек. Лекин китоб муаллифи борини дастурхон қилган. Муҳтарам аҳли қалам, сизни нима қизиқтиради, қандай саволингиз бор? Марҳамат, мутолаа қилсангиз кифоя.

Муаллиф билан гаплашгим, таассуротларимни ўртоқлашгим келиб, неча бор қўлим телефон гўшагига югурди. Ўзимни мажбурлаб тўхтатдим: «Тугатиб ол, ахир!»

Бир куни чидай олмадим. Иродам ўзимга бўйсунмай қўйди. Шартта рақам тердим. Ҳорғин бир одамнинг овози эшитилди. Тафаккурдан чалғитиб қўйдимми, деб чўчидим. Суҳбатимиз тезда силжиди. Шу китобни ёзгани учун қайта-қайта раҳмат айтдим. Кимлигимни, қаерданлигимни сўради.

– Бахмал билан Бойсунда ўтган болалигимиз менимча ўхшаш бўлган. Фақат биз отасиз ўсдик. Қийинчилик кўпроқ бўлган. Мол ҳам боқдик, деҳқончилик ҳам қилдик, дарахтларга ҳам зеб бердик, – дейди шоир.

Болалигимдагидек китобнинг муқовасидаги суратга тикиламан. Ўша шоирнинг ўзи билан суҳбатлашаётганимни бир зумга унутаман. Ўсмир тенгдошларим қизларнинг суратини йиғиб юрган маҳал, мен ёзувчи ва шоирларнинг расмларини тўплаб, соатлаб суҳбатлашардим. Гўё, улар бир куни чиқиб келадигандек туюларди. Мана, овози эшитила бошлади, бир куни ростдан ҳам чиқиб келар:

– Узлуксиз ижод қилиш керак. Ишдан қочмаслик лозим. Ҳозир ҳам 2-3 та жойда меҳнат қиламан. Ижодга ҳам вақт топаман. Рўзғорни ҳам ўйлаш, адабиёт билан эса доим бирга яшаш шарт.

Телефондаги суҳбат билан қўлимдаги китоб қоришиб кетади.

«Айтгандай, аввалги ўзингдан ҳам кўп уялма!», «Ижод салқиликни ёқтирмайди», «Феъл-атвордаги бўшанглик; шахс сифатида увовлик туфайли ўз ҳаётини назорат қилолмаслик ва баъзан «севимли» ўзини ҳаддан ортиқ эркалатиш натижасида пайдо бўладиган қусурлар ёзувчи сифатида мукамал шаклланишга йўл қўймайди», «Одам ўзини ўзи суясин экан», «Қўрқув ҳамиша шахсни емирадиган машъумлик. Истеъдоднинг кушандаси», «Энг аянчли кишилар истеъдодини хор қилганлардир»...

Бугун ижодкорлар орасида «Устоз-шогирд» аънанаси бироз сусайгандек. Биз пайқаманган кўп нарсани билиб қўйганлар, «сир»ни бошқалардан қизғанаётгандек. Лекин китоб муаллифи борини дастурхон қилган. Муҳтарам аҳли қалам, сизни нима қизиқтиради, қандай саволингиз бор? Марҳамат, мутолаа қилсангиз кифоя!

Кўп чалғидим, балки бироз эсангизни ҳам қотиргандирман. Нима деб валдирапти ўзи, дегандирсиз. Хуллас, юқоридаги таассуротларнинг бари Ўзбекистон халқ шоири Усмон Азимнинг «Сўнгсўзлар» китобини мутолаа қилиш чоғида юз берди. Китобни атай ўқиб, тугатмай турибман. Гўё, асар мени адабиётга (абадиятга) боғлаб қўядиган кўприқдек туюл-япти. Мустаҳкам бўлишини истаяпман-да!

Муаллифнинг ҳавас қиларли даражада иқрорлари бор. Ўзини ўзи, яқинларини бу қадар тафтиш қилиш, бундан келгуси авлод учун етарлича сабоқ чиқариш имкониятини таъминлаш ҳаммага ҳам насиб этмайди. Жилла курси мутолаадан сўнг бўлажак шоир ёки ёзувчининг биригина хатодан ўзини тийиши ўзбек адабиётига катта ҳисса бўлиб қўшилиши мумкин.

Телефонда ярим соатга яқин суҳбатлашган муаллиф ёз фасли ўтса, юзма-юз кўришимиз мумкинлигини айтди. Вақт ажратса шоир Усмон Азимнинг армияда қандай аскар бўлганлигини ўқувчиларимизга айтиб, мақтанмоқчи, суратларини ҳавола қилмоқчи эдим. Ҳиммат устозлардан, сабр қиламиз. Сиз ҳам кутинг, муҳтарам газетхон!

Ҳозирча ушбу мақоламизни катта лейтенант У. Азимовнинг аскарларига сабоғининг хулосаси билан яқунласак: Маслаҳатим шу:

*Ўзингизга раҳмингиз келсин!
Бошингизни аяманг!
Юракни аяманг!
Ғалабани ўликлар эмас,
Тириклар келтиради
Она Ватанга...*

**Капитан Азиз НОРҚУЛОВ,
«Vatanparvar»**

Armiya va yoshlar



БИР ТАМУ ЖОН

2022 йил 19 январда Ўзбекистон Республикаси Президентининг «Маҳаллаларда ёшлар билан ишлаш тизимини тубдан такомиллаштириш чора-тадбирлари тўғрисида»ги қарори қабул қилинган эди. Шунга асосан, Мудофаа вазирлиги томонидан тегишли вазирлик ва идоралар билан ҳамкорликда 2022 йилга мўлжалланган «Миллий армиямиз – ёшлар нигоҳида» шиори остида маҳаллаларда ёшларни ҳарбий-ватанпарварлик руҳида тарбиялаш бўйича амалий чора-тадбирлар «Йўл харитаси» ишлаб чиқилган. Шунга кўра, уч босқичда «Мудофаа вазири кубоги» учун уюшмаган ёшлар ўртасида ўтказилган «Ватанпарварлар» ҳарбий-спорт мусобақаси ҳақиқий маънода республика ёшларини бирлаштира олди.



Мазкур мусобақа Мудофаа вазирлиги, Ёшлар ишлари агентлиги, Ёшлар иттифоқи марказий кенгаши ва Мудофаага кўмаклашувчи «Ватанпарвар» ташкилоти марказий кенгаши ҳамкорлигида ўтказилди. Унда Қорақалпоғистон Республикаси, Тошкент шаҳри ва вилоятлардаги саралаш баҳсларида муваффақиятли иштирок этган жамоалар Ўзбекистон Республикаси Қуролли Кучлари академияси ўқув жараёнини таъминлаш базасида ғолиблик учун кураш олиб борди.

Мусобақа давомида иштирокчи жамоалар Чирчиқ олий танк қўмондонлик-муҳандислик билим юрти ва Ўзбекистон Республикаси мудофаасига кўмаклашувчи «Ватанпарвар» ташкилоти Тошкент вилояти бўлимига экскурсия уюштирди.

Мусобақанинг тантанали очилиш маросимида мудофаа вазирининг биринчи ўринбосари – Қуролли Кучлар Бош штаби бошлиғи генерал-майор Шухрат Халмухамедов сўзга чиқиб, мазкур беллашувнинг аҳамияти ҳақида сўз юритди. Дарҳақиқат, «Ватанпарварлар» ҳарбий-спорт мусобақаси ўқувчиларни ҳарбий-амалий спорт мусобақаларига кенг жалб этиш орқали уларнинг бўш вақтини мазмунли ўтказиш, ўзаро маданий-спорт алоқаларини йўлга қўйиш ҳамда ёшларни спорт ўйинларига оммавий тарзда жалб этиш, соғлом турмуш тарзига риоя этадиган, буюк аجدодларимиз каби мард, жасур, ҳалол,





БЎЛИБ



жисмонан бақувват, билимли, кенг дунёқарашли ва ватанпарвар авлодни тарбиялашда муҳим аҳамият касб этади.

Ўта қизгин ва мурасисиз беллашувларга бой бўлган мусобақада ҳар бир жамоа аъзоси бир тану бир жон бўлиб, ғолиблик учун кураш олиб борди. Иштирокчиларнинг шартларни бажаришдаги ҳаракатлари эса малакали мутахассислардан иборат ҳакамлар ҳайъати томонидан баҳолаб борилди.

Яқуний натижаларга кўра, 3-ўринни Самарқанд вилоятининг Пастдарғом тумани жамоаси қўлга киритди. Тошкент вилояти ёшлари 2-ўринга лойиқ кўрилган бўлса, Сирдарё вилоятидан келган ёшлар жамоаси фахрли 1-ўринга сазовор бўлди. Шунингдек, «Энг яхши мерган» (Ғофуржон Обидов – Тошкент шаҳри), «Энг кучли спортчи» (Шавкат Жўрақулов – Сирдарё вилояти) ва «Амир Темур тузуқлари билимдони» (Шаҳризода Ғаффорова – Самарқанд вилояти) номинацияларида ҳам ғолиблар аниқланди.

Ғолибларга мусобақа ташкилотчилари томонидан кубок, диплом ва қимматбаҳо совғалар топширилди.

**Лейтенант
Исломжон ҚЎЧҚОРОВ,
«Vatanparvar»**

Munosabat

FUQAROLIKNING

KONSTITUTSIYAVIY
ASOSLARI

O'zbekiston Respublikasi mustaqilligi e'lon qilinganidan keyin ratifikatsiya qilingan birinchi xalqaro hujjat Inson huquqlari umumjahon deklaratsiyasidir. Bu bejiz emas, albatta. Chunki insonni ulug'lash, uning xohishi, irodasini kafolatlash orzu-umidlarini to'la ro'yobga chiqarishni o'zining bosh maqsadi qilib belgilagan mustaqil davlatimizning yetakchi tamoyillarini ana shu muhim xalqaro hujjatga muvofiqlashtirish nazarda tutilgan edi.

Bosh qomusimiz – O'zbekiston Respublikasi Konstitutsiyasini tayyorlash va qabul qilishda ushbu umuminsoniy qadriyat asos qilib olindi. Shuning uchun ham Konstitutsiyamiz xalqaro hamjamiyat tomonidan umumbashariy insonparvarlik va demokratik mezonlarga to'la javob beradigan hujjat sifatida yakdillik bilan e'tirof etildi.

Konstitutsiyaning 19-moddasida bunday deyilgan: "O'zbekiston Respublikasi fuqarosi va davlat bir-biriga nisbatan bo'lgan huquqlari va burchlari bilan o'zaro bog'liqdirlar.

Fuqarolarning Konstitutsiya va qonunlarda mustahkamlab qo'yilgan huquq va erkinliklari daxlsizdir, ulardan sud qarorisiz mahrum etishga yoki ularni cheklab qo'yishga hech kim haqli emas".

Fuqarolik shaxs holatining asosiy tarkibiy holatlaridan biridir. Har qanday boshqa davlatda bo'lgani kabi O'zbekiston Respublikasining aholisi faqat o'z fuqarolaridagina emas, shu bilan birga o'z hududida vaqtincha yoki doimiy yashovchi chet el fuqarolaridan, fuqaroligi bo'lmagan shaxslardan ham iboratdir. Chet el fuqarolari va fuqaroligi bo'lmagan shaxslarning huquqiy

holati respublikadagi fuqarolarning huquqiy holatidan farq qiladi, lekin shunga qaramay, ular ham davlat bilan jamiyatga nisbatan muayyan huquq va burchlarga egadirlar. Davlat o'z navbatida, hududida bo'lgan har qanday kishi, shaxs huquqlarini muhofaza qiladi, biroq ularga berilgan huquqlar va zimmasiga yuklangan burchlar hajmi har xil bo'lib, bu holat ularning respublika bilan huquqiy aloqalari xarakteriga bog'liqdir.

BMTning inson huquqlari borasida 80 ga yaqin konvensiyasi mavjud. Umumjahon deklaratsiyasidan farqi shundan iboratki, bu hujjatlarda inson huquqlari batafsil talqin qilinadi va ularni ro'yobga chiqarishning davlat tomonidan kafolatlanishi mustahkamlab qo'yilgan, har qanday holatlarda ham inson huquqlarining davlat tomonidan cheklanishi mumkin bo'lmagan alohida turkumlari, masalan, yashash huquqi, qiynoqlarga yo'l qo'yilmaligi, fikr va e'tiqod erkinligi, sudlov himoyasiga bo'lgan huquq va boshqalar ajratib ko'rsatilgan.

Inson huquqlari negizida inson shaxsi qadriyati turadi. Odatda, inson huquqlarining uch bo'g'ini bir-biridan farqlanadi:

- fuqarolik va siyosiy huquqlar;
- yashash, fikr va vijdon erkinligi, uyushmalarga birlashish huquqlari va boshqalar;
- iqtisodiy-ijtimoiy; bilim olish, mehnat qilish,

layoqatiga ega bo'lishi hisoblanadi. Jamiyat va davlatning shaxs bilan munosabatlari to'g'risidagi huquqiy normalar qonunda emas, balki faqat Konstitutsiya normalarida o'z aksini topadi.

O'zbekiston Respublikasi fuqarosi deganda, faqatgina uning hududida yashashi yoki uning hokimiyatiga bo'ysunish, huquq va burchlar bilan ta'minlanishnigina emas, balki shaxs bilan O'zbekiston Respublikasi o'rtasida o'rnatilgan alohida siyosiy-huquqiy aloqalar va munosabatlari tushuniladi. Fuqarolik – shaxsning huquqiy holatidir. Konstitutsiya O'zbekiston Respublikasida, ya'ni uning butun hududida yagona fuqarolikni joriy etgan.

Fuqarolarning konstitutsiyaviy huquq va erkinliklari respublikamiz Konstitutsiyasining 18-moddasida mustahkamlangan bo'lib, "O'zbekiston Respublikasida barcha fuqarolar bir xil huquq va erkinliklarga ega bo'lib, jinsi, irqi, millati, tili, dini, ijtimoiy kelib chiqishi, e'tiqodi, shaxsi va ijtimoiy mavqeyidan qat'i nazar, qonun oldida tengdirlar.

Imtiyozlar faqat qonun bilan belgilanib qo'yiladi hamda ijtimoiy adolat prinsiplariga mos bo'lishi shart".

Ushbu qoidaning Konstitutsiyada yozib qo'yilishi O'zbekistonni davlat sifatida dunyodagi eng demokratik mamlakatlar darajasiga ko'taradi. Chunki insonni ulug'lash, uning kim bo'lishidan qat'i nazar, qonun oldida tengligini ta'minlash hamda uning haq va huquqini qo'riqlash faqat demokratik davlatlarga xosdir. Fuqarolar huquqlarini himoya qilish, shuningdek, hayotini ijtimoiy xavfli tajovuzlaridan muhofaza qilish davlatning muhim vazifalaridan hisoblanadi.

Ilyos VALIXONOV,
Jamoat xavfsizligi universiteti
katta o'qituvchisi

26-iyun – Xalqaro giyohvandlikka qarshi kurash kuni

ASR VABOSI

Bugun jonajon yurtimizda barcha sohalarida izchil davom etayotgan islohotlarga qaramay, ayrim irodasi sust fuqarolar giyohvandlik balosiga muhtalo bo'layotgani barchamizni tashvishga soladi. Buning sababi og'u inson jismini xarob qilishi bilan birga, jamiyatga mislsiz darajada zarar yetkazadi. Umr zavoli deb atalayotgan ushbu illat tinch-totuv hayot kechirayotgan oilalarni buzadi, yurtimiz kelajagi bo'lgan bolalarni yetim qiladi, muhtojlik va qashshoqlikka muhtalo etadi.

Giyohvandlik – kechiktirib bo'lmaydigan chora-tadbirlar o'tkazishni talab qiladigan ijtimoiy-tibbiy muammo bo'lib, butun dunyo hamjamiyatini tashvishga solmoqda. Giyohvandlik vositalarini, qaysi turi bo'lmasin, iste'mol qilishni boshlagan odam avvaliga unga o'rganish hosil qilishini barchamiz bilamiz. Ammo bir yil o'tar-o'tmas, giyohvand mehnatga yaroqsiz holatga kelib qoladi. Natijada jinoyatga qo'l urishga majbur bo'ladi.

Shu o'rinda O'zbekiston Respublikasi Jinoyat kodeksining XIX bobida Giyohvandlik vositalari yoki psixotrop moddalar bilan qonunga xilof ravishda muomala qilishdan iborat jinoyatlar va ular uchun javobgarlik belgilanganini ta'kidlab o'tish joizdir. Xususan, Jinoyat kodeksining tegishli moddalarida mazkur yo'nalishdagi jinoyat sodir etgan shaxslarga nisbatan katta miqdordagi jarimadan tortib, yigirma yilgacha ozodlikdan mahrum qilish kabi jazolar belgilangan.

Bundan tashqari, giyohvandlik balosi avj olishiga xorijda ishlab chiqarilgan

jangari, axloqsizlikni targ'ib etuvchi filmlar ham katta "hissa" qo'shayotganini qayd etish joiz. Tungi barlarda to tong otguncha kechadigan jazavali shovqin-suron-u maishatlar ham ayrim og'ufurushlarga qo'l kelmoqda. Ayrim yoshlar ularning "to'ri"ga osongina ilinmoqda. Shu bois yoshlar va o'smirlarni ushbu illatdan asrashda otanoning o'rni muhim ahamiyat kasb etadi. Oilada e'tiborsiz va nazoratsiz qolgan har bir farzand, albatta, qora niyatli yovuz kimsalarning o'ljasiga aylanib, oxir-oqibat boshi berk ko'chaga kirib qolishi tabiiydir.

Muxtasar qilib aytganda, asr vabosiga qarshi kurashish – barchamizning ishimiz. O'zini shu yurt farzandiman, deb bilgan har bir fuqaro bu harakatdan chetda turmasligi lozim. Mazkur jarayon umummilliy kurashga aylanmog'i shart. Shundaygina minglab yoshlarimizning kelajagi, oilalarimiz osoyishtaligini saqlab qolgan bo'lamiz.


S. FATTOYEV,
Tarbiyaviy va mafkuraviy ishlar bosh
boshqarmasi bosh mutaxassisi

Qutlov

O'ttiz yildirki, O'zbekiston Respublikasi mudofaasiga ko'maklashuvchi "Vatanparvar" tashkilotining Buxoro viloyati kengashi va uning joylardagi tashkilotlari "Vatanparvar" gazetasi bilan uzviy hamkorlik qiladi. Bu hamkorlik natijasi o'laroq qator maqolalar, suratli reportajlar e'lon qilingan.

"Vatanparvar" gazetasi sahifalarida O'STK boshliqlari, o'qituvchilari va amaliy mashg'ulot ustalari olib borayotgan ishlar, tashkilot faoliyati ommalashtirilmoqda. Tashkilotimiz tizimida o'tkaziladigan uchrashuvlar, ma'naviy-ma'rifiy va sport tadbirlari, musobaqalari ham keng ko'lamda yoritilmoqda.

Bugun o'zining 30 yilligini nishonlayotgan "Vatanparvar" gazetasiga, uning fidoyi xodimlariga ulkan muvaffaqiyatlar va ijodiy parvozlar tilaymiz!



О'quv-uslubiy yig'in

ФАОЛИЯТДА ЗАРУР КЎНИКМАЛАР

МУДОФАА ВАЗИРЛИГИНИНГ ТОШКЕНТ ШАҲРИДА ЖОЙЛАШГАН ҲАРБИЙ ҚИСМЛАРИДАН БИРИДА ҚЎМОНДОНЛИК ВА УНГА БЎЙСУНУВЧИ ҲАРБИЙ ҚИСМЛАР ҲАРБИЙ ПСИХОЛОГЛАРИ ИШТИРОКИДА ЎҚУВ-УСЛУБИЙ ЙИГИН ЎТКАЗИЛДИ.



Мудофаа вазирлиги масъуллари ҳамда давлат ва жамоат ташкилотлари вакиллари иштирокидаги уч кунлик йиғинда Қуролли Кучларимизда амалга оширилаётган ислохотларнинг мазмун-моҳияти, қўшинларда тарбиявий ва мафкуравий ҳамда психологик ишлар йўналишидаги мавжуд тизимли муаммолар, ҳарбий психолог фаолиятида зарур кўникмалар, нотиқлик маҳорати, ҳарбий интизомни мустаҳкамлаш, бўлинмаларда ҳуқуқбузарликлар ва кўнгилсиз ҳодисаларнинг олдини олиш, ҳарбий бошқарувда истиқболли кадрлар тайёрлаш механизми каби мавзуларда машғулот, психологик тренинг ва маҳорат дарслари ўтказилди.

Йиғин давомида ҳар бир иштирокчи билан соҳа мутахассислари томонидан яқка тартибда суҳбатлар олиб борилиб, фаолияти давомида эришилган ютуқ ва йўл қўйилган камчиликлар танқидий таҳлил қилинди ҳамда келгуси хизмат фаолиятида эътибор қаратиши зарур бўлган масалалар бўйича тегишли тавсиялар берилди.

Йиғин иштирокчилари пойтахтимизда жойлашган «Ғалаба боғи» ёдгорлик мажмуаси ва «Шон-шараф» давлат музейи каби маънавий масканларга саёҳат уюштиришди. Яқунда фаоллар рағбатлантирилиб, истиқболдаги вазифалар белгилаб олинди.

"Mudofaa vaziri kubogi"

ПОЛВОНЛАР КУЧ СИНАШДИ

МУДОФАА ВАЗИРЛИГИНИНГ ТОШКЕНТ ШАҲРИДА ЖОЙЛАШГАН ҲАРБИЙ ҚИСМЛАРИДАН БИРИДА ҚЎМОНДОНЛИК ВА УНГА БЎЙСУНУВЧИ ҲАРБИЙ ҚИСМЛАР ВА МАҲАЛЛАЛАРДАГИ ЁШЛАР ЎРТАСИДА ТОШ КЎТАРИШ ВА МИЛЛИЙ КУРАШ БЎЙИЧА «МУДОФАА ВАЗИРИ КУБОГИ» УЧУН БАҲСЛАРНИНГ НАВБАТДАГИ БОСҚИЧИ ЎТКАЗИЛДИ.



Ушбу беллашувдан мақсад ҳарбий хизматчилар ва ёшлар ўртасида соғлом турмуш тарзини кенг тарғиб қилишни тизимли йўлга қўйиш, ўсиб келаётган ёш авлодни зарарли одатлардан асраш, уларни ватанпарварлик руҳида тарбиялаш ҳамда маҳаллаларда жисмоний тарбия ва спорт фаолиятини самарали ташкил этишдан иборат. Қизғин ва мурасасиз кечган баҳсларнинг биринчи кунда иштирокчилар

миллий кураш бўйича 60 кг, 66 кг, 73 кг, 81 кг, 90 кг, 100 кг ва +100 кг вазн тоифаларида беллашган бўлса, кейинги кун баҳсларида тош кўтариш бўйича 60 кг, 65 кг, 70 кг, 75 кг, 80 кг, 85 кг, 90 кг ва + 90 кг вазнларда ўзаро куч синашишди.

Беллашувлар якунида ғолиб ва совриндорларга қўшинлар қўмондонининг ташаккурномаси, медаль ва эсдалик совғалари тантанали равишда топширилди.

Майор Фаррухбек СОТВОЛДИЕВ

"Yoshlar oyligi"

ҚЎМОНДОН БИЛАН МУЛОҚОТ

МУДОФАА ВАЗИРЛИГИ ҚЎШИНЛАРИДА «ЯНГИ ЎЗБЕКИСТОН ЁШЛАРИ, БИРЛАШАЙЛИК!» ШИОРИ ОСТИДА ЁШЛАРНИ ОНА ЮРТГА САДОҚАТ ВА ҲАРБИЙ-ВАТАНПАРВАРЛИК РУҲИДА ТАРБИЯЛАШ БОРАСИДА МАЪНАВИЙ-МАЪРИФИЙ ТАДБИРЛАР, ФЕСТИВАЛЛАР, «ҚЎМОНДОН ВА ЁШЛАР» УЧРАШУВЛАРИ КАБИ ТАДБИРЛАР ЎТКАЗИБ КЕЛИНМОҚДА.



«Ёшлар ойлиги» доирасидаги ана шундай тадбирлардан бири Андижон вилояти Қўрғонтепа тумани маданият марказида Хонобод шаҳрида жойлашган ҳарбий қисм ҳарбий хизматчилари ва ўқувчилар иштирокида бўлиб ўтди.

Учрашувда полковник Журъат Якубов, Қўрғонтепа тумани ҳоқими Элёрбек Набижонов, мудофаага кўмаклашувчи «Ватанпарвар» ташкилоти ҳамда ҳамкорликдаги давлат ва жамоат ташкилотлари вакиллари иштирок этди. Тадбир аввалида маданият маркази ҳудудида ўқувчи-ёшлар томонидан бешта муҳим ташаббус доирасида спорт, санъат, компьютер технологиялари, робототехника йўналишларида ташкил этилган тўғарақлар фаолияти, уларнинг эришган ютуқлари ва амалиётга татбиқ этилган кашфиётлари намоён иштирокчиларда катта таассурот қолдирди.

Мудофаа вазирлиги қўшинларида ёшларни она юртга садоқат ва ҳарбий-ватанпарварлик руҳида тарбиялаш бўйича амалга оширилаётган ишлар акс эттирилган видеоролик намоён эртамин эгалари қалбида ҳарбийликка бўлган қизиқишни янада оширди.

Тадбирнинг асосий қисмида ёшлар ўзларини қизиқтирган савол ва таклифлари, эришган ютуқлари ҳамда келажақдаги режалари ҳақида қўмондон билан самимий мулоқот олиб борди. Яқунда халқаро ареналарда давлатимиз байроғини юксакларга кўтарган бир гуруҳ фаол ёшлар ҳамда ҳамкорликдаги орган раҳбарлари қўшинлар қўмондонининг ташаккурномаси ва эсдалик совғалари билан тақдирланди.

Маданият маркази ходимлари томонидан ташкил этилган концерт дастури иштирокчиларга байрамона кайфият улашди.

Sport

ТЎГАРАК АЪЗОЛАРИ ЧЕМПИОН БЎЛДИ

МУДОФАА ВАЗИРЛИГИ ҚЎШИНЛАРИДА ҲАРБИЙ ХИЗМАТЧИЛАРНИНГ ФАРЗАНДЛАРИНИ ЮКСАК МАЪНАВИЯТЛИ, ЖИСМОНАН БАҚУВВАТ ЭТИБ УЛҒАЙТИРИШ, КАСБ-ХУНАРГА ЙЎНАЛТИРИШ МАҚСАДИДА БЕШТА МУҲИМ ТАШАББУС ДОИРАСИДАГИ ТЎГАРАҚЛАР САМАРАЛИ ФАОЛИЯТ ОЛИБ БОРМОҚДА.



Фарғона шаҳрида жойлашган ҳарбий қисмда спортнинг муай-тай тури бўйича ташкил этилган тўғарақ аъзолари Хоразм вилояти Урганч шаҳрида ўтказилган республика чемпионатида муносиб иштирок этиб, совринли ўринларни қўлга киритди.

Қизғин ва мурасасиз кечган баҳсларда 14 нафар иштирокчи қатнашиб, 2 та учинчи, 3 та иккинчи ва 5 та фахрли биринчи ўринни эгаллаб, Осиё ўйинларида иштирок этиш ҳуқуқини қўлга киритди.



VATANPARVAR

«ВАТАНПАРВАР» БИРЛАШГАН ТАХРИРИЯТИ ҲАҚИДА УМУМИЙ МАЪЛУМОТ

ТАРИХИ

Мудофаа вазирлигининг марказий матбуот органи «Ватанпарвар» газетаси Ўзбекистон Республикаси Мудофаа ишлари бўйича вазири – Миллий гвардия кўмондонининг 1992 йил 19 июндаги буйруғига биноан ташкил этилган.

2005 йил 1 январдан газета компьютер технологиялари асосида саҳифаланган. 2005 йил 14 январда ilk рангли сони чоп этилган. 2005 йил 29 апрель 48-сондан бошлаб тўлиқ рангли саҳифаларда, ҳафталик газета сифатида чоп этила бошланган.

МАҚСАД ВА ВАЗИФАЛАРИ

Ўзбекистон Республикаси Президенти, Қуролли Кучлар Олий Бош Қўмондони ташаббуси билан амалга оширилаётган ҳарбий ислохотларни, давлатнинг мудофаа ва ҳарбий қурилиш соҳасидаги сиёсатни кенг тарғиб қилиш, ҳарбий хизматчилар ва ёшларни ҳарбий-ватанпарварлик руҳида улуғ аждодларга муносиб ворислар этиб тарбиялаш, уларда Ватанга муҳаббат ва садоқат туйғуларини шакллантириш, ҳарбий хизмат ва касб нуфузини оширишдан иборат.

ТАШКИЛИЙ ИШЛАР

2012–2022 йилларда «Ватанпарвар» кутубхонаси сериясида «Буюк аждодлардан мерос муқаддас Ватан», «Оила – ҳаёт гултожи», «Ахборот-психологик хуружлар ва таҳдидлар», «Ватан омон бўлсин», «Қалқон кўшиғи», «Мангу жасорат», «Ўзбекистон армияси: объектив қаршида» номли китоблар (жами 11500 нусхада) чоп этилиб, Мудофаа вазирлиги қўшинларига тарқатилди.

2013 йилда «Ватанпарвар» Бирлашган таҳририятининг «mv-vatanparvar.uz» сайти ишга тушди.

2014 йилнинг 20 ноябрида «Ўзбекистон армияси» журнали давлат рўйхатидан ўтказилиб, мунтазам чоп этиб келинмоқда.

ИЖОДИЙ ТАНЛОВЛАР

«Ватанпарвар» газетаси таҳририяти томонидан ҳарбий хизматчилар, уларнинг фарзандлари, ОАВ ходимлари ўртасида кўплаб танловлар ўтказиб келинмоқда. «Ватанга хизмат – муқаддас бурч», «Миллий армиямиз – мустақиллик қалқони», «Мустақиллик менинг тақдиримда», «Юксак ҳуқуқий маданият», «Менинг дадам – Ватан ҳимоячиси», «Аждодлар мероси», «Посбониман муқаддас юртнинг», «Ватан ҳимоячиси – менинг тасаввуримда», «Китобхон посбон», «Менинг армиям – менинг фахрим», «Жамоатчи мухбир», «Темур тузуқлари билимдони» каби 15 дан зиёд танловлар ташкил этилди.



«Ватанпарвар»нинг биринчи бош муҳаррири, истеъфодаги полковник Ирисуҳаммад АБДУКАРИМОВ хотиралари

Бу қутлуғ сана бугун Қуролли Кучлар сафида хизмат қилаётган оддий аскардан тортиб генералларгача, хизматчиларга, фахрийларга, нашримизнинг барча ўқувчиларига муборак бўлсин! «Ватанпарвар» бундан кейин ҳам уларнинг севимли газетаси бўлиб қолади, деб умид қиламан.

«Ватанпарвар» газетаси Мудофаа вазирлигининг бош матбуот органи сифатида Туркистон ҳарбий округининг нашри «Фрунзевец» газетасининг базасида 1992 йил 24 июнда ташкил этилган. Ўшанда таҳририят жамоаси турли миллат вакилларида иборат бўлган. «Фрунзевец»нинг журналистика соҳасида тажрибали бўлган собиқ ходимлари ҳарбий хизматда бўлмаган, «катта лейтенант» ҳарбий унвонидаги захирадаги офицер (ҳарбий хизматга чақирилиши ҳамда раҳбарлик лавозимига тайинланиши муносабати билан майор унвони берилган. Таҳририят), газетачилик соҳасида фақатгина «Оҳангарон» район газетасида саккиз ой корректор бўлиб ишлаган шахснинг масъул муҳаррир лавозимига тайинланишини ҳадик ва хавотир билан кутиб олишганди. Бу 1993 йилнинг 10 июнида бўлганди.

Газета ўзбек ва рус тилларида чоп этилиши белгилангани билан таҳририят ходимлари таркиби асосан русийзабон журналистлардан иборат бўлиб, дастлабки йилларда мақолаларнинг аксарияти рус тилида чиқарди. Шу сабаб вазирлик раҳбарияти ва менинг олдимда жиддий масала турарди, яъни матбуот соҳасида фаолият юритаётган, захирадаги офицер унвонига эга бўлган, ўзбек тилида ёзадиган журналистларни танлаб олиб, таҳририятга жалб қилиш лозим эди. Бу борадаги сазъ-ҳаракатлар натижасида таҳририятга бир неча тажрибали журналистлар Абдура-ззоқ Обрўев, Азимбек Усмонов, ёшлардан Алижон Сафаров келиб қўшилди. Шунингдек, журналист мутахассислигига эга, ўзига хос қалами бор ёш ходимлар ҳам ишга олинди.

Ўша вақтдаги мудофаа вазири Рустам Аҳмедовнинг иши тигиз, жудаям муҳим, стратегик аҳамиятга эга масалалари бўлса-да, вақт ажратиб, таҳририятни қўллаб-қувватларди. «Мен сенга майдонда шахдам қадамлар билан юра оладиган, қуролдан тўла-тўқис фойдаланиш қобилиятига эга бўлган журналистларни топгин, деб талаб қўймайман. Таҳририят жамоасини ёшларимизга ҳарбий хизмат моҳиятини, унинг муқаддас иш эканини англадиган мақолалар ёза оладиган, қалами ўткир журналистлар билан шакллантиргин. «Ватанпарвар» Қуролли Кучлар таркибида хизмат қилувчи барча – оддий аскардан тортиб генералгача бўлган ҳарбийларнинг энг севимли газетаси бўлиши керак», дер эди. Журналист мутахассислигига эга захирадаги офицерларни ҳарбий хизматга чақириш, уларга ҳарбий унвон, моддий ёрдам ёки уй-жой бериш каби масалалар қисқа фурсатларда ҳал этиларди.



Ҳарбий журналист, истеъфодаги подполковник Комил ЖАББОРОВ хотиралари

Таҳририятда кадрлар масаласи жиддий муаммо эди. Мустақиллик эълон қилингандан кейин бошқа миллатдаги офицер ходимлар чамадонни йиғиштириб, ўзига Россиядан жой излашга тушди. «Фрунзевец»нинг редактори Олег Исмаилов бир кун мени ҳам хонасига чақирди. Бир соатдан ортиқ очиқчасига суҳбат қилдик. У менга Ленинград ҳарбий округи газетасига бош муҳаррир бўлиб кетаётгани, ўзи билан тўрт-бешта журналистни олиб боришга рухсат олганини айтди.

– Комил, бу ерда нима қиласан? Мустақиллик-мустақиллик дейишгани билан, ҳали кўрасан, барибир, ҳаммаси яна ўз изига қайтади. Бу кўпга бормайди. Сени қаламинг бор, яхши ёзасан, шунинг учун мен билан Ленинградга юр. Ваъда бераман, бир-икки йилда квартира ҳам олиб бераман, – деди. Ўша пайтда Москва ва Ленинград ҳарбий округларида хизмат қилиш, аксарият офицерларнинг орзуси эди. Тўғриси, миямда бир фикр, фикр эмас бир илон ғимирлади: «Тўғри айтяпти, бу ерда сенга нима бор, Ленинградда уйли-жойли бўлиб, маза қилиб яшайсан», деб аврашни бошлади. Лекин ҳеч қачон бойликка учмаганим учунми, ўзимни қўлга олдим.

Ичимда «Эй номард, Ватанни ташлаб қаерга кетмоқчисан», дедим ўзимга. Исмаиловга эса таклифи учун миннатдорлик билдириб, Ўзбекистонда қолишимни, энди тузилган армиямизнинг шаклланишига ёрдам беришим кераклигини айтдим. У яна аврашга тушди. Ўша пайтда нега унинг шунчалик куйиб-пишиб мени олиб кетишга ҳаракат қилгани ҳақида ўйламаган эканман. Бироқ вақт ўтиб, тушундим. Мақсад, мени Ўзбекистондан олиб чиқиб кетиб, буни тарғибот қилиш бўлган. Чунки офицерларнинг бир қисми Россияга кетиш тараддудида бўлса, Ўзбекистонга ўрганиб қолган, халқимизга нисбатан ғарази йўқлиги сабаб, шу ерда қолиб ҳарбий хизматни давом эттириш истагида бўлганлар ҳам кам эмасди. Мен улар учун бир намуна бўлишим, яъни «Қаранглар, мана ўзбек бўла туриб, мустақилликка ишонмай, ўзининг армиясига ишонмай, биз билан кетяпти, сиз қоласизми?», деб қолаётганларга танбех беришга сабаб бўлишим керак эди. Суҳбат охирида Исмаиловга:

– Ахир бу менинг Ватаним, уни шундай пайтда ташлаб кетиш хоинлик билан баравар бўлади, – деб қатъий жавоб бердим.



ГАЗЕТАСИ 30 ЁШДА!

«Ватанпарвар» 1994 йил 14 январь, 7-сон.



Халима ХУДОЙБЕРДИЕВА,
Ўзбекистон халқ шоири,
Республика Хотин-қизлар
ташкilotи кенгашининг
раисаси

**АЙЁМ ҚУТЛУҒ
БЎЛСИН СИЗГА!**

Олдинма-кетин келаётган муборак айёмлар ҳаётимизга янада файз ва шуқуҳ бахш этипти. Қалбларимиз зиёбон меҳр-муҳаббатли бўлиб боряпти. Бир-бирдан-да самимий, фараҳли байрамларимиз кўпаяверсин. 8 март, Наврўзи олам, Мустақиллик айёми, энг одилона қомуслар қаторидан мустаҳкам жой олган Конституциямиз куни шодиёналари, Янги йил қутловлари... Ушбу айёмларни ёдга олишнинг ўзи вужудимизни унутилмас, ажойиб ва сеҳрли ҳисларга буркайди, эзгулик сари етаклайди.

Яқинда бўлиб ўтган Ўзбекистон Республикаси Олий Кенгаши ўн тўртинчи сессияси қарорига биноан белгиланган Ватанимиз ҳимоячилари кунининг ҳам ана шундай байрамлар бўй-бастига тенглашишига шубҳа йўқ. Зеро, қутлуғ айём жигарбандини аскарлик хизматига юборган оналарнинг ҳам байрамидир. Бутун вужуди билан ўз йигитлик бурчини ёруғ юз-ла ўтаб қайтишини тилаб қолган аскар ёрининг байрамидир бу.

Тилагим – аёллар учун ҳар бир кун айём бўлсин, ҳар бир кун нурафшон ўтсин, ҳар бир келин бешик тебратсин тинч ва осойишта замин узра. Бу муборак бурч – Ватан ҳимоясида сабот билан хизмат қилаётган ўғлонларимизга боғлиқ. Юрт посбонларини қутлуғ айём билан қутлар эканман, ана шу муборак бурчни шараф билан ўташларида соғлиқ, мустаҳкам ирода ва бахт-саодат тилайман.

«Ватанпарвар» 2003 йил 1 февраль, 15-сон.



**ЎЗБЕКИСТОН
ХАЛҚ ШОИРИ**

**АБДУЛЛА
ОРИПОВ
СУХБАТИДАН**

Сизларга қараб туриб ўзимга ўзим қараётгандек, фарзандимга қараётгандек бўляпман. Ўз она тилимизда ота-болаларимизни эслаб, ютуқ-камчиликларни айтиб, дилдан суҳбатлашдик. Очиғи, сизларга жуда ҳавас қиляпман. Мени ҳам аскар бобомиз, деб қабул қилишларингизни сўрайман. Давра суҳбатидан ҳам шунини англаш мумкинки, армиямиз

ҳақиқатан ҳам халқимизнинг фахри, ифтихори.

Армиямиз ҳақидаги асарлар руҳи, мақсади бошқача тус олиши керак. Дейлик, аскарнинг саф кўшиғи қимматига кўра рамзлардан қолишмайди. У мукамал бўлсагина посбонни олға чорлайди. Ҳатто ҳарбий-ватанпарварлик руҳида шундай кўшиқлар, шеърлар яратилишини истардимки, уни қишлоқ, маҳалла, мактабда айтиб юришсин. Яъни бу кўшиқлар кўшиқларнинг пошшоси, сардори бўлсин. Аслида шоирнинг маҳорати юксалганда кўшиқ ёзади. Ҳозир тескарисига айлиниб кетган. Шу боис бўш, мужмал кўшиқлар бу соҳага аралашиб кетмаслиги учун биз посбон бўлишимиз керак.

«Ватанпарвар» 1994 йил 14 январь, 7-сон.



Ўткир ҲОШИМОВ,
Ўзбекистон халқ ёзувчиси

**САЛОМАТЛИК
ВА ТИНЧЛИК
ТИЛАЙМАН!**

Азиз укажонларим! Қўлига қурол тутган ўғлонлар! Сиз билан чинакам тарихий даврни бошимиздан кечирмоқдамиз. Кўп йиллик асоратдан сўнг Ўзбекистон деган гўзал ва жафокаш юрт истиқлолга эришди. Истиқлолимиз ҳали ёш. Шунга қарамай, дунёда Ўзбекистон деган мустақил давлат борлигини жаҳон эътироф этди. Истиқлол шунчаки ҳавойи гап эмас. Ҳар бир мамлакат мустақиллигини, энг аввало, унинг Қуролли Кучлари ҳимоя қилади. Шу боис ҳам республика Олий Кенгашининг Ватан ҳимоячилари кунини нишонлаш ҳақида қабул қилган қонуни ғоят адолатли қарордир.

Тарихга назар ташласак, бизнинг юртимиз муттасил ғанимлар босқинига йўлиққан. Искандар юришлари, араб ва мўғуллар хуружи, хонлик ва амирликларнинг ўзаро калта-

бин урушлари, чор Россияси истилоси – булар Туркистон деган бой ва гўзал мамлакат бошига кўп қулфатлар солган. Аммо Спитамен ва Муқанналар, Жалоллидин ва Темурлар она заминни жон фидо этиб ҳимоя қилганлар. Иккинчи жаҳон урушида ҳам ўзбек жангчилари кўрсатган жасорат бошқа қардошларимизникидан оз эмас. Биз керак бўлса, ўз мустақиллигимиз, тарихимиз, удумларимиз, эътиқодимиз, хуллас, моддий ва маънавий бойликларимизни ҳимоя қилишга қодир мамлакатмиз. Сизлар эса адолат учун охиригача кураша оладиган мард аждодларимизнинг фарзандларисиз. Ўзбекистон ҳеч қачон ҳеч кимга дахл қилмайди, аммо ўз юртини ҳимоя қилишга ҳам қодир мамлакат. Бу шарафли бурч эса сизларнинг зиммангизга тушган.

Байрамингиз муборак бўлсин! Юртимиз мустақиллигини ёмон кўздан асрагин. Оддий аскарлардан тортиб генералларгача – барчангизга сиҳат-саломатлик, Ватанимизга эса тинчлик тилайман!

ТАНЛОВЛАРДАГИ МУКОФОТЛАР

Ўзбекистон Қуролли Кучларининг 20 йиллигига бағишлаб ташкил этилган «Ватан азиз, жасорат мангу» республика танловида «Ватанпарвар» газетаси таҳририяти матбуот йўналишида биринчи ўринни қўлга киритди. Қуролли Кучларнинг 25 йиллиги муносабати билан республика ОАВ ходимлари ўртасида ўтказилган танловда «Ватанпарвар» фотомухбири ғолиб деб топилди.

Ўзбекистон Республикаси давлат мустақиллигининг 22 йиллиги муносабати билан ўтказилган «Энг улуғ, энг азиз» республика танловида «Ватанпарвар» газетаси таҳририяти рағбатлантирувчи мукофот ҳамда диплом билан тақдирланди.

Ўзбекистон Матбуот ва ахборот агентлиги ташаббуси билан 2012–2013 йилларда ўтказилган «Ўзбекистон матбуоти» миллий форуми ва кўргазмаларида «Ватанпарвар» газетаси таҳририяти фаол иштироки учун махсус дипломлар билан тақдирланди.

2009–2018 йилларда таҳририятнинг 3 нафар ходими «Олтин қалам» халқаро танловида ғолиб бўлди.

«Ватанпарвар» Бирлашган таҳририяти 2014 йилда «Олтин қалам» халқаро танловида 2-ўринни эгаллади.

2009 йилда таҳририят ижодий жамоаси «Эътироф» танлови ғолиби бўлди.

2 нафар ходим «Йилнинг энг фаол журналисти» танлови ғолиби бўлди. 2 нафар ходим «Йилнинг энг фаол спорт журналисти» дея эътироф этилди. 1 нафар ходим «Атиргул» танловида совриндор бўлди.

5 нафар ходим Ўзбекистон Ёзувчилар уюшмасига қабул қилинди. 1 нафари Халқ таълими аълочиси.

ДАВЛАТ МУКОФОТЛАРИ

Бирлашган таҳририят ходимларининг 1 нафари «Ўзбекистонда хизмат кўрсатган журналист» фахрий унвони, 1 нафари «Жасорат» медали, 8 нафари «Шуҳрат» медали, яна 1 нафари Президентнинг эсдалик совғаси билан тақдирланган.

МАҲОРАТ МАКТАБИ

«Устоз-шогирд» анъанаси доирасида 2016 йилда «Ватанпарвар» Бирлашган таҳририятида «Ҳарбий журналистика» маҳорат мактаби ташкил этилди. Унда Ўзбекистон Миллий университети журналистика факультети талабалари, Ўзбекистон давлат жаҳон тиллари университети халқаро журналистика факультети талабалари сабоқ олишди. Ўзбекистон журналистика ва оммавий коммуникациялар университети билан доимий ҳамкорлик йўлга қўйилган.

ИЛМИЙ ИЗЛАНИШЛАР

Ҳозирги вақтда «Ватанпарвар» Бирлашган таҳририятида 3 нафар ҳарбий хизматчи «фалсафа доктори» илмий даражасини олиш учун тадқиқот олиб бормоқда. Жумладан, лейтенант Дилшод Рўзиқулов «Ўзбекистонда ҳарбий журналистикада ахборот интеграциясининг назарий ва амалий хусусиятлари» мавзусида докторлик (PhD) диссертациясини тайёрлаган. У Ўзбекистон журналистика ва оммавий коммуникациялар университети мустақил изланувчиси сифатида илмий-тадқиқот ишини илмий кенгаш ҳимоясига тақдим этган.

«Ватанпарвар» Бирлашган таҳририяти бўлим бошлиғи майор Гулнора Ҳожимуродова «Ўзбек ҳарбий журналистикасининг барқарорлиқни таъминлашдаги ўрни ва роли (методологик жиҳат)», катта лейтенант Бобур Элмуродов «Жасорат» феноменини шакллантиришда ўзбек эпик дostonлари: структуравий-функционал ёндашув» мавзусида PhD диссертациясини тайёрламоқда. Ҳар икки ҳамкасбимиз Қуролли Кучлар академияси мустақил изланувчиси ҳисобланади.



Okruglarda nima gap?

АМАЛИЙ КЎНИКМАЛАР МУСТАҲКАМЛАНДИ

Жануби-ғарбий махсус ҳарбий округ тасарруфидаги Муборак гарнизонида жойлашган ҳарбий қисмда батальон командирлари ва уларнинг ўринбосарлари билан ўқув-услубий йиғин ўтказилди.

Асосий мақсад ҳарбий хизматчиларнинг услубий тайёргарлик даражасини ошириш, бўйсунувчи бўлинмаларни ўқитишда илғор тажрибаларни оммалаштириш, минтақа ва дунёда содир бўлаётган

қуролли тўқнашувлар таҳлилидан келиб чиқиб, замонавий билимларни етказиш каби қатор вазифаларга қаратилди.

Округ қўшинлари қўмондони ўринбосари раҳбарлигида ўтган йиғин аввалида иштирокчилар саф кўригида жам бўлди. Йиғин режаси етказилгач, назарий машғулотларга навбат берилди. Малакали мутахассислар томонидан тактик тайёргарлик, разведка ва муҳандислик тайёргарлиги фанларидан янги билимлар берилиб, мавжудлари таҳлил этилди.

Ҳарбий хизматчининг жисмоний тайёргарлиги доимо аъло даражада бўлиши лозим. Шу жиҳатдан йиғин давомида бунга алоҳида эътибор қаратилди. Куч, тезлик ва матонатни чиниқтирадиган машғулотларда иштирокчилар ўзларининг тобланганлик даражаларини кўрсатди.

Узоқ масофага марш юриш ҳарбий хизматчидан руҳий ва жисмоний бардош талаб этади. Йиғин иштирокчиларига марш давомида шартли радиацион, кимёвий-биологик қурол қўлланилиб, зарарланган ҳудуддан ҳимояланган ҳолда ўтиш вазифаси қўйилди.

Шундан сўнг «Муборак» далаўқув майдонида тикланган жамоавий жипсликни шакллантириш йўлагидан гуруҳ-гуруҳ бўлиб ўтилди. Ҳар бир тўсиқда сафдошининг кўмагига эҳтиёж сезаётган қатнашчилар шартли жангда жамоавий жипсликнинг роли қай даражада юқори эканини яна бир бор ҳис этишди. Шунингдек, иштирокчиларга отиш тайёргарлиги, жанговар техникаларда ҳамда гуруҳ бўлиб яқин шароитларда жанг олиб боришнинг янги услублари кўргазмалари намойиш этилди.

Яқунда беш кун давом этган йиғин натижалари муҳокама этилиб, бўлинма командирлари ва уларнинг ўринбосарларига мавжуд камчиликларни бартараф этиш ҳамда эгалланган янги билимларни бўлинмаларда тарғиб қилиш бўйича кўрсатмалар берилди.



Dolzarb mavzu

ОГОҲЛИК ҚЎНҒИРОҒИ

Коррупция тараққиётга тўсқинлик қилиши, ҳар қандай соҳанинг гуллаб-яшнашига тўғоноқ бўлиши бор гап. Жиноятга жазо муқаррар эканини чуқур тушунтириш мақсадида соҳа ходимлари томонидан ўтказилаётган профилактик тадбирлар барчамиз учун огоҳлик қўнғироғи бўлиб хизмат қилиши лозим.



Худди шундай тадбирлардан бири округ бошқарув аппаратида бўлиб ўтди. Долзарб фикрларни бир вақтнинг ўзида кўпчиликка етказиш мақсадида округ тасарруфидаги ҳарбий қисм ва муассаса бошлиқлари ҳамда уларнинг ўринбосарлари иштирокидаги йиғилиш видеоконференц-алоқа орқали онлайн тарзда узатилди.

Тадбир аввалида округ қўшинлари қўмондонининг тарбиявий ва мафкуравий ишлар бўйича ўринбосари полковник

Исроил Собиров коррупцияга қарши муросасиз муносабатда бўлиш бугуннинг долзарб масаласи эканига алоҳида тўхталиб ўтди.

Ўзбекистон олий ҳарбий авиация билим юрти Гуманитар фанлар кафедраси бошлиғи эса минтақа ва дунёда содир бўлаётган ҳарбий-сиёсий вазият ҳамда коррупцион ҳолатларнинг дунё ривожига салбий таъсири ҳақида таҳлилий маъруза қилди.

Шунингдек, Қарши ҳарбий прокурори адлия подполковниги Жаҳонгир Ашуров ва Қарши ҳарбий суди раиси Дилшод Қаюмов иш фаолиятларидан келиб чиқиб, келтирган мисоллари мавзу моҳиятини тўлақонли очиб бера олди.



Sayyor qabul

САМАРАЛИ ХИЗМАТ ОМИЛИ

Ҳарбий хизматчилар ва оила аъзоларининг мавжуд муаммоларини ҳал этишда сайёр қабуллар алоҳида аҳамиятга эга.



Нуристон гарнизонидаги юрт ҳимоячилари оилаларида учраётган муаммоларни ўрганиш ҳамда уларга амалий кўмак бериш мақсадида тумanning Амир Темур номидаги маданият марказида қатор давлат ташкилотлари масъул ходимлари жам бўлдилар. Қарши ҳарбий прокуратураси, Жануби-ғарбий махсус ҳарбий округ, Миллий гвардия, туман халқ таълими, мактабгача таълим бўлимлари, туман тиббиёт бирлашмаси каби қатор ташкилот вакиллари мурожаатларни бирин-кетин тинглаб, уларни ҳал этиш бўйича чоралар кўрди.

Кўплаб саволлар ҳарбий хизматчиларнинг оилавий шароитига кўра, хизмат жойларини ўзгартириш, фарзандларининг сифатли мактабгача таълим олишлари, банд бўлмаган турмуш ўртоқларининг ишга жойлашуви, узоқ муддатли ипотека кредитлари олиш каби масалалар ҳусусида бўлди.

Қарши ҳарбий прокурори, округ масъул офицерлари ва бошқа мутасадди идоралар ходимлари томонидан кўплаб муаммолар жойида ҳал этилиб, яна бир қанчасининг ижобий ечими учун тегишли маслаҳатлар берилди.

Ҳарбий хизматчилар ва уларнинг оила аъзоларига берилган эътибор уларнинг истақларига қулоқ тутилаётганида тўлақонли намоён бўлади. Истақлар рўёби эса фаровон ҳаёт ва самарали хизмат демакдир.



"Men g'olib!"

СПОРТДА МОҶИРЛАР

Нукус гарнизони спорт базасида «Мен ғолиб!» шиори остида армия биатлони ҳамда 10 км масофага ярим марафон югуриш бўйича чемпионат ўтказилди.



АНИҚЛАНДИ

Ўзбекистон Республикаси Мудофаа вазирлиги қўшинларида янгича ҳарбий мусобақа, яъни армия биатлони ҳарбий хизматчиларнинг чидамлилиги, шижоати ва матонатини синайдиган мураккаб беллашув сифатида эътироф этилади. Армия биатлони ўз ичига рельефнинг нотекистикларида югуриш, арқонга осилиб чиқиш ва тушиш, гранатани аниқликка улоқтириш, енгил атлетика тўсиқларидан ўтиш, пичоқни улоқтириш ва кичик калибрли милтиқдан ўқ отиш элементларини қамраб олган ҳарбий-амалий спорт туридир.

Мусобақада жами 10 та жамоа, уларнинг ҳар бирида 3 нафардан иштирокчи яққалик ва жамоавий баҳслар учун куч синашди.


Биринчи босқичда иштирокчилар 1,5 км масофага югуриш давомида учта машқни бажарди. Биринчи машқда югуриб келган қатнашчилар 6 метр баландликка арқон ёрдамида қурол билан чиқиши ва тушиши, югуриб келгандан кейин гранатани аниқликка улоқтириши, сўнгра қуролдан ётган ҳолда нишонга қарата ўқ отиши керак бўлади. Иккинчи босқичда ҳам жамоалар 1,5 км масофага югуриш жараёнида 5 метр узоқликдан нишонга пичоқ санчиши, енгил атлетика бўйича 5 та тўсиқни енгиб ўтиши ва яқунда турган ҳолатда нишонларга қарата кичик калибрли қуролдан ўқ отиши белгиланган.

Ҳар бир ҳарбий хизматчи мусобақа шартларида кўрсатилган машқларни бажаришда яққалик тўплаган баллари кейинчалик жамоанинг умумий натижасига қўшиб борилди. 10 км масофага ярим марафон югуришда ҳар жамоадан 5 нафардан иштирокчи жисмоний имкониятларини намойиш этди. Ҳарбий хизматчиларнинг қурол-аслаҳалар билан югуриши мусобақа шартларида кўрсатилган машқларни бажаришда яққалик тўплаган баллари кейинчалик жамоанинг умумий натижасига қўшиб борилди. 10 км масофага ярим марафон югуришда ҳар жамоадан 5 нафардан иштирокчи жисмоний имкониятларини намойиш этди. Ҳарбий хизматчиларнинг қурол-аслаҳалар билан югуриши мусобақа шартларида кўрсатилган машқларни бажаришда яққалик тўплаган баллари кейинчалик жамоанинг умумий натижасига қўшиб борилди.

бақага қўшимча мураккаблик яратди.

Яқуний натижаларга кўра, мусобақаларда энг юқори балл тўплаган иштирокчилар яққалик баҳслари бўйича ҳамда жамоавий тартибда баҳоланди. Ғолиб ва совриндор бўлган иштирокчи ва жамоалар Шимоли-ғарбий ҳарбий округ қўшинлари қўмондонидан кубок, диплом, медаль ва эсдалик совғалар билан тақдирланди.

Биринчи ўринни қўлга киритган ҳарбий хизматчилар ва жамоалар кейинги, Мудофаа вазирлиги қўшинлари миқёсида ўтказилган финал босқичига йўллангани қўлга киритди.



Harbiy-vatanparvarlik

Ёшлар учун ЁЗГИ ОРОМГОҲ

Хоразм вилояти ҳокимлиги ҳамда Шимоли-ғарбий ҳарбий округ қўшинлари қўмондонлиги ташаббуси билан «Янгиарик» умумқўшин полигони негизда вилоятдаги тарбияси оғир, ички ишлар органларида профилактик ҳисовда турган ёшларнинг қалбида ватанпарварлик, она юртга садоқат, бир-бирига ўзаро ҳурмат, соғлом фикрлаш тўғрисида шакллантириш, уларни қайта ижтимоий мослаштириш ҳамда келгуси ҳаётида жамиятда ўз ўрнини топиш ва касб танлашда ёрдам бериш мақсадида ҳарбий-ватанпарварлик тарбияси йўналишидаги оромгоҳ ташкил этилди.



Оромгоҳнинг тантанали очилиш маросимида мудофаа вазирининг жанговар тайёргарлик бўйича ўринбосари полковник Қодиржон Турсунов, Шимоли-ғарбий ҳарбий округ қўшинлари қўмондонидан полковник Фарҳоджон Шерматов, вилоят ҳокимининг ёшлар сиёсати, ижтимоий ривожлантириш ва маънавий-маърифий ишлар бўйича ўринбосари Санъатбек Салаев ҳамда давлат ва жамоат ташкилотлари вакиллари иштирок этди.

– Фахр билан айтишимиз мумкинки, Хоразм ёшлари замонга мос, Ватанимиз ва

халқимизга муносиб равишда одимлаб бормоқда. Бу эса бизнинг энг катта бахтимиздир. Ишониб айталикки, ёшлар ушбу оромгоҳда ўз қизиқиши ва тиришқоқлигини ишга солиб, ҳарбий акаларидан билим ва кўникмаларни ўрганиб, спорт йўналишида, илм-фан, керак бўлса, ихтирочилик қобилиятларини намойиш этиш орқали бутун дунё ареналарида энг юқори поғоналарни эгаллаб, Алишер Навоий, Мирзо Улуғбек ва Жалолiddин Мангуберди каби буюк аждодларимизнинг авлодлари эканлигимизни исботлайди, – дея ишонч билдирди вазири ўринбосари.

Шунингдек, сўзга чиққанлар томонидан бугун ёшлар учун кенг имконият ва шароитлар яратилаётгани, улардан оқилонга фойдаланиб, келгусида юрт равнақи ва келажаги учун жонкуяр, фидойи инсон бўлиб камол топишларига ишонч билдирилди. Ҳарбий хизматчиларнинг қўл жанги ва саф элементлари билан кўргазмалар чиқишлари ёшларда олам-олам таассуротлар қолдириб, қалбида ватанпарварлик туйғуларини алангалатди.

Давомийлиги 14 кун бўлган ҳарбий-ватанпарварлик оромгоҳи уч сменада ташкил этилади. Айни вақтда 1-сменага 14 ёшдан 18 ёшгача бўлган жами 75 нафар ўғил бола жалб этилиб, ҳар бири 25 нафар болани ташкил этадиган 3 та гуруҳга бўлинган.

Жадвалга асосан ҳар куни тушликкача бўлган вақтда ёшлар билан тарих, тарбия, ҳуқуқшунослик, дин асослари, миллий ғоя ва маънавият асослари, бошланғич ҳарбий тайёргарлик фанлари бўйича машғулотлар ташкил этилади. Тушликдан кейин эса дам олиш вақти белгиланиб, ундан кейин оммавий-спорт тадбирлари, интеллектуал ўйинлар, психологик тренинглари, давра суҳбатлари, маданий-маърифий тадбирлар ўрин олган.

Дам олиш кунлари оромгоҳда дам олувчилар учун музей ва тарихий жойларга экскурсиялар, ҳарбий-спорт ўйинлари, мусобақалар, буюк аждодларимизнинг ватанпарварлиги, қаҳрамонлиги, жасорати, фидойилиги, ҳаётий ва ижодий фаолиятларини тарғиб этувчи спектакл, кинофильмлар намойишлари ташкил этилиши белгиланган.

Ҳарбий-ватанпарварлик оромгоҳи фаолиятини самарали таъминлаш учун ҳарбий округ томонидан «Янгиарик» умумқўшин полигонидаги ётоқхона, ўқув бинолари, тиббиёт пункти, ошхона, маиший хизмат, спорт майдонлари ва бошқа объектлар ажратилган бўлиб, оромгоҳ маъмуриятига ҳарбий хизматчилар, ички ишлар органи ходимлари, халқ таълими бўлими ҳамда тиббиёт бирлашмаси вакиллари киритилган.

Ота-боболаримиздан мерос бўлиб келаётган миллий спорт ўйинлари, яъни кураш, тош кўтариш, армия қўл жанги ва бошқа спорт турлари бўйича малакали ҳарбий хизматчилар томонидан машғулотлар ташкил этилган.

Turmush chorrahasi

БОЛАМ ДЕБ...

2013 йил, август. Катта шаҳардаги тошқин ҳаёт ўз маромида. Такси автомобили шаҳар кўчасида олдинга қараб интилади. Ичидаги йўловчилар ўз хаёллари билан банд. Ҳаммасининг борар манзили турлича бўлса-да, уларни элтувчи йўл битта. Ҳайдовчининг кайфияти кўтаринки. Ёши элликлардан ошганига қарамай, ғайратли ва санъатга иштиёқи баланд экани кўриниб турибди. Магнитофонда таралаётган Озодбек Назарбековнинг қўшиғига қўшилиб орада хиргойи қилиб кўяди.

– Озодбекка етадигани йўқ-да, – ҳайдовчининг олдида ўтирган таннозгина жувон орадаги сукунатни бузди. – Қўшиқларида ўзгача дард бор.
– Талабалар орасида ҳам қўшиқлари хит бўлиб кетган, – унинг фикрини тасдиқлади орқада ўтирган йигитча. – Тўғрими, Гули?
– Ҳм-м, – истамайгина унинг гапини маъқуллади ва: Менга Юлдуз ҳам ёқади, – дея қўшиб кўйди ёнидаги қиз.
– Замон ривожлангани сари қўшиқчилар ҳам кўпайиб кетди, – шу суҳбатни кутиб тургандек

уларнинг гапини давом эттириб кетди ҳайдовчи. – Аммо кўплари ёшларбоп. Дадам Маъмуржон Узоқов, Жўраҳон Султонов ашулаларини эшитарди, биз Шерали Жўраев, Таваккал Қодиров, Муроджон Аҳмедов қўшиқлари билан улғайдик. Мана, энди қўшиқчиларнинг саноғи йўқ, гуруҳларнинг кўплиги-чи, бири йўқ бўлиб, иккинчиси чиқади. Лекин тан олиш керак, истеъдодлилари кўп.

– Тўғри, менга ёқадиганлари... – танноз жувон бирин-кетин уларга баҳо бера кетди.

Фақат орқа ўриндиқ четида ўтирган қирқ беш ёшлардаги аёл ҳеч нарса эшитмагандек, ҳеч нарсани идрок қилмаётгандек машина ойнасидан ташқарига маънос кўз тикканча жим кетмоқда. Гўёки, у йўловчилар орасида йўқдек.

– Гап билан бўлиб яна мен борадиган ресторандан ўтиб кетмайлик, шопир ака, – сергакланди тақинчоқларга ўралган жувон кўлидаги тилла соатга кўз ташлар экан. – Гапдошларим аллақачон келиб ўтирган бўлса керак.

– Узоғи билан беш минутда сиз айтган ресторанда бўламиз, – уни тинчлантирди ҳайдовчи. – Бугун дугоналар билан маза қилиб ўтирар экансиз-да.

– Айтманг, бир ойда учта гапим бор. Бугунги гап эримнинг ўртоқларининг аёллари билан, иккинчиси яқин дугоналарим билан, учинчиси да қариндошлар учрашиб турамыз. Қўни-қўшни, ишхонамдагилар билан «чёрни касса» ўйнаганман.

– Войбў-ў, гапга шунча пулни қаердан топасиз? Ўтирган ресторанинлар фалон пуллик бўлганидан кейин, кассаларинг ҳам шунга яраша бўлса керак?

– Айтманг, менинг топганим пардоз-андоз нарсаларимдан ортмайди, таъминотчим – турмуш ўртоғим, албатта. Катта нуфузли фирмада ишлайди...

– Поччамнинг топганига барака берсин, синглим. Мана-а, етиб келдик...



(воқеий ҳикоя)

Жувон таксидан тушиб кетгач, суҳбат талаба билан давом этди:

– Аёлларнинг даври келгани шунда, авваллари гап-гаштаклар фақат эркаклар даврасига ярашарди, – қўшиқ четда қолиб, дардини айта кетди ҳайдовчи. – Менинг хотиним ҳам шу аёлдан қолишмайди. Болаларинг онаси, оиланг бекаси бўлганидан кейин, барибир кўнглига қараркансан-да.

– Парво қилманг, амаки, менинг онам ҳам шундай, – унинг фикрига қўшилди талаба йигит. – Кийим-кечак, тақинчоқлар ҳам жону дили. Биз ёшлигимизда онам кўп касал бўлган экан, шу сабаб дадам сиз айтгандек кўнглига қарайди. Аммо маҳалламизда уйдан эшикка чиқмайдиган аёллар ҳам йўқ эмас.

– Қаерда ўқийсан, ўғлим? – мавзунини ўзгартиргиси келди ҳайдовчининг. – ТАШМИДа.

– Бўлажак шифокорман, дегин. Яхши касбни танлабсан, яхши ўқи, яхши дўхтир бўл! Ёшлиқ қилиб, бошқа ишларга чалғима, – йигитнинг елкасига бош қўйиб кетаётган қизга ишора қилгандек бўлди ҳайдовчи. – Ота-онангнинг ишончини оқла! Улар боламни ўқитаман, деб тинмай меҳнат қилса керак?

– Амаки, шу ерда тўхтатиб қўйинг, – ҳайдовчининг жавобидан ўзини олиб қочди, қиз учун ҳам йўл ҳақини тўлаб, шошилганча тушиб кетди.

– Синглим, сиз...

– Биринчи шифохонага ташлаб қўясиз, яқин қолди, – хаста товушда жавоб қайтарди жувон.

– Ҳа, эсимда, аммо назаримда, йўл бўйи оғир хаёл ичида келдингиз, соғлигингиз яхшими, ёрдам керак эмасми? – кўпни кўрган, неча юзлаб йўловчиларга ҳамроҳ бўлган ҳайдовчи маҳзун аёлнинг аҳволини сўрашни инсоний бурчи деб билди.

– Раҳмат, яхшиман, болаларимни деб шифохонага келяпман-да.

– Бирорта фарзандингиз беморми?

– Йўқ, Худога шукур, ўнта боламиз бор. Ҳаммаси соғ-саломат, бирин-кетин оёққа туряпти. Ҳаммаси яхши еб-ичгиси, тенгқурлари қатори кийингиси, ўқигиси келади. Бир томонда уларни уйлаб-жойлаш керак. Биз, эр-хотин оддий ишчилармиз. Топганимиз қориндан ортмайди. Шунинг учун...

– Шифохонага иш излаб кел-япсизми?

– Йўқ... битта буйрагимни сотгани келяпман. Ўтган йили эрим беш минг долларга битта буйрагини сотганди. Болаларнинг анча ками битди. Энди менинг навбатим... шу ерда тўхта-тинг...

Ҳайдовчи ҳорғин юриб кетаётган аёлнинг орқасидан термилганча тек қотди. Ҳатто унга бир оғиз наҳот сўз айтишга қодир бўлмади, тўғрироғи, гапдон ҳайдовчининг тили калимага келмади.

– Ока, одам оласизми ёки бирортани кутяпсизми? – башанг кийинган йигитнинг саволи уни ўзига келтирди.

– Оламан, албатта.

– Унда шаҳардаги машҳур ресторанга ҳайданг...

– ...Наимахон Нусратовасиз, шундайми, опа?

– Ҳа, мен.

– Таҳририятимизга шикоят хати йўллаган экансиз, шу сабаб сиз билан юзма-юз суҳбатлашгани, мана, уйингизга келдик.

– Ҳақиқат боракан-ку а, бизни деб пойтахтдан келдиларингми? Ўзиям янглишмасам, беш мартаба хат йўллагандим.

– Тўғри, хатларингизда эрингизнинг касалвандлиги, ўзингиз ҳам бемор эканингиз, беш нафар ўғил-қизингиз билан оч-наҳорликда кун кечираётганингизни ёзибсиз.

– Худди шундай, аҳволимизни кўряпсизми?

Мухбир қиз ва ёнидаги фотоаппарат кўтарган шериги атрофга назар ташлади. Ўта бетартиб ҳовли четидаги паст айвондан жой олган қийшиқ сўрида тўладан келган қирқ ёшли жувон – аризачи елпиниб ўтирибди. Барчанинг ҳовлисида гулу райхонлар барқ уриб яшнаётган бир паллада ҳовли четида экилган чиннигуллар сувсизликдан қуришга яқин

ДАНГАСАНИНГ ДАЪВОСИ

(воқеий ҳикоя)

келган. Ўн сотихли томорқадаги яккам-дуккам дарахтлар қаровсиз. Томорқага нарса экилмагани сабаб ёввойи ўтлар босиб кетган. Фотомухбир атрофни расмга муҳрлашга киришиб кетди. Ўн беш ва ўн ёшли икки қиз онасининг буйруғи билан истар-истамас ташқаридаги ариқдан сув ташиб, қизиб турган ҳовли сахнига сув сепишга тушди.

– Камбағалнинг додини ҳеч ким эшитмайди, «Бой бойга боқар, сув сойга оқар», дейдилар, – дардини дастурхон қила кетди аёл. – Туман ҳокимига неча марта ёрдам сўраб ариза ёздим, маҳаллага-ку ҳар ойда ёрдам пули сўраб ёзаман. Бир-икки ёрдам берган бўладию, йў-ў-ғ бўлиб кетади. Тадбиркорлик қилинг, ёрдам берамиз, дейди. Эрим иккимиз ҳам ўқимаган бўлсак, яна касалвандмиз, қандай тадбиркорлик қиламиз? Давлат биздек ночор, кўп болалилардан тез-тез хабар олиб туриши керак. Ҳақиқат борми ўзи?

Жувоннинг гапи охирига етмай, ташқаридан қирқ беш ёшлардаги гавдали эркак кириб келди.

– Дадаси, пойтахтдан бизни деб мухбирлар келишди. Ҳоким билан маҳалла оқсоқолининг танобини бир тортиб қўйишсин.

– Яхши, яхши, – оғзининг таноби қочди эркакнинг, – мухбирларнинг кучи нимага етишини бир кўрарканмиз-да.

– Эрим касалванд, ишга ярамайди, деб ёзгандингиз, акамиз туришидан тоғни толқон қиладиган эркак-ку, сиз ҳам соғломсиз!

– Синглим, сиз туришимизга қараманг, ичимиз тўла дард. Иккимизда ҳам қон босими бор, белимиз, оёқ-қўлларимиз оғриydi.

– Катта фарзандингиз йигирма ёш экан. Қолганлари ҳам томорқада ишласа бўладиган ёшда. Нима учун шундай қарийли томорқа бўш турибди? Рўзғорга керак бўладиган

сабзавот, полиз маҳсулотларини етиштирса бўлади-ку?

– Сув йўқ, қизим, сув.

– Ён қўшилларингизнинг ҳовли ва томорқасини қаранг, – пастқам девордан кўриниб турган ҳовлига ишора қилди мухбир. – Қараган одамнинг кўзи қувнайди.

– Бу билан сенлар дангаса, де-моқчимисиз!?

– Худди шундай! – қатъият билан таъкидлади мухбир. – Келганимиз яхши бўлибди. Сиз каби ношукур, дангаса, фақат иллат излайдиган кимсалардан барча огоҳ бўлиши керак!

– Сенларнинг устингдан юқори-га ариза ёзиб, ишдан бўшатмасам, Наима отимни бошқа қўяман!

– Мақола чиққандан кейин гаплашамиз, ҳақиқат ўшанда қарор топади...

Зулфия ЮНУСОВА,
«Vatanparvar»



"Mudofaa vaziri kubogi"

Мамлакатимизда жисмоний тарбия ва спортни оммалаштириш, аҳоли, айниқса, ёшлар ўртасида соғлом турмуш тарзини тарғиб қилиш учун зарур шарт-шароитлар яратиш, ёшларнинг халқаро спорт майдонларида муносиб иштирок этишини таъминлаш борасида изчил чора-тадбирлар амалга оширилмоқда.

Жиззах шаҳридаги миллий кураш мажмуасида «Янги Ўзбекистон ёшлари, бирлашайлик!» шiori остида мамлакатимиз бўйлаб ўтказилаётган «Ёшлар ойлиги» доирасида «Мудофаа вазири кубоги» учун миллий кураш ва тош кўтариш мусобақаларининг вилоят босқичи ўтказилди.

Вилоят мудофаа ишлари бошқармаси, Ўзбекистон ёшлар иттифоқи вилоят кенгаши, Ёшлар ишлари агентлиги, Жиззах вилояти спорт бошқармаси ҳамкорлигида ўтказилган мусобақа ҳарбий оркестр садолари, юрт ҳимоячиларининг кўргазмали чиқишлари билан бошланди.

Дастлаб вилоятдаги мавжуд маҳаллалар ва туман, шаҳар ёшлари ўртасида ўтказилган беллашувларда ғолиб бўлган полвонлар вилоят босқичида ўзаро кураш олиб борди. Миллий кураш бўйича 60, 66, 73 ва 81 килограмм вазн тоифасида спортчилар гиламга тушган бўлса, тош кўтаришда полвонлар 60, 65, 70, 75 килограмм вазнда биринчилиكنи эгаллашга ҳаракат қилишди.

Шу куни ғолиб ва совриндор полвонлар фахрий ёрлик, диплом ва қимматбаҳо совғалар ҳамда мусобақаларнинг республика босқичига йўлланмани қўлга киритди.

РЕСПУБЛИКА БОСҚИЧИГА ЙЎЛЛАНМА



Марказий ҳарбий округ матбуот хизмати

МУРОСАСИЗ

ВА ШИДДАТЛИ БАҲС

«Мудофаа вазири кубоги» учун Шарқий ҳарбий округ қўшинларидаги 18-30 ёшдаги ҳарбий хизматчилар ўртасида миллий кураш ва тош кўтариш мусобақалари бўлиб ўтди.



Тадбир Фарғона вилоятидаги ҳарбий қисмда ўтказилди. Мусобақа натижалари вилоят кураш федерацияси ҳакамлари томонидан баҳолаб борилди. Ҳар бир вазн тоифасида спортчилар муросасиз ва шиддатли баҳс олиб борди.

Мусобақани Шарқий ҳарбий округ қўшинлари қўмондонининг ўринбосари полковник Содиқ Асадов, ҳарбий қисм командири ва ҳарбий хизматчилар кузатиб борди.

Яқуний натижаларга кўра, миллий кураш мусобақасида учинчи ўринни Қўқон шаҳридаги, иккинчи ўринни Андижон шаҳридаги ҳарбий қисм жамоаси қўлга киритди. Фахрли биринчи ўрин Фарғона шаҳридаги ҳарбий қисм жамоасига насиб қилди.

Тош кўтариш мусобақасида учинчи ўринни Андижон, иккинчи ўринни Қува туманидаги ҳарбий қисм жамоаси қўлга киритди. Фахрли биринчи ўринга десантчилар ҳарбий қисми жамоаси сазовор бўлди.

Умумий натижаларга кўра, «Мудофаа вазири кубоги» учун ҳарбий хизматчилар ўртасида миллий кураш ва тош кўтариш мусобақалари бўйича учинчи ўринни Қува туманидаги ҳарбий қисм жамоаси, иккинчи ўринни Андижон шаҳридаги ҳарбий қисм жамоаси эгаллади. Фахрли биринчи ўрин Фарғона вилоятидаги десантчилар ҳарбий қисми жамоасига насиб этди.

Шарқий ҳарбий округ матбуот хизмати

Xorij armiyalarida

САУДИЯ АРАБИСТОНИ

Осиё қитъасининг жануби-ғарбий қисмида жойлашган Саудия Арабистони Подшоҳлиги Яқин Шарқ минтақасидаги йирик давлатлардан бири ҳисобланади. Ҳозирги даврга келиб, Форс қўрғазини ва Яқин Шарқда юзага келган нотинч ва беқарор шароитларда бу мамлакат мунтазам равишда ўз иқтисодий ва ҳарбий салоҳиятини ошириб бориш ҳисобига минтақадаги ўрнини янада мустақамлашга интилиб келмоқда. Катта молиявий имкониятларга эга бўлган Саудия Арабистони (мамлакат нефть захиралари бўйича дунёда 1-ўрин, нефть қазиб чиқариш бўйича 2-ўрин, газ захиралари бўйича 4-ўринда туради) ҳарбий харажатлар миқдори ва қуроллар ҳамда ҳарбий техника импорти ҳажми бўйича дунёдаги етакчи ўринлардан бирини эгаллайди.

ҲАРБИЙ ҲАВО КУЧЛАРИ



Мамлакатда қабул қилинган доктринал ҳужжатларга мувофиқ, Подшоҳлик Қуролли Кучлари эҳтимолий ташқи босқинларни бартараф этиш, монархия ҳудудининг яхлитлиги ва дахлсизлигини ҳимоя қилиш, шунингдек, ҳукмронлик қилувчи Ол Сауд сулоласининг хавфсизлигини таъминлашга мўлжалланган. Шахсий таркибининг умумий сони 135 810 кишини ташкил этувчи Саудия Қуролли Кучлари (ҚК) Қуруқликдаги қўшинлар (83 110 киши), Ҳарбий ҳаво кучлари (20 000), Ҳарбий денгиз кучлари (15 560), Ҳаво ҳужумидан мудофаа қўшинлари (16 000) ва ракета қўшинлари (1 200)дан ташкил топган.

Миллий армияга умумий раҳбарлик ҚК Олий бош қўмондонини ҳисобланувчи мамлакат подшоҳи томонидан, армияни бошқариш эса Мудофаа вазирлиги ва Бош штаб орқали мудофаа вазири томонидан амалга оширилади.

Саудия Арабистони раҳбариятининг доимий эътибори остида бўлган Ҳарбий ҳаво кучлари (ҲҲК) ер ва ҳаводаги вазиятни разведка қилиб бориш, зарурат

туғилган ҳолатларда ҳавода устунликни эгаллаш, мамлакатнинг муҳим ҳарбий-иқтисодий ҳудудлари (объектлари) ва қўшин гуруҳларини ҳаводан бериладиган зарбалардан ҳимоя қилиш, Ҳарбий ҳаво кучлари ва Ҳарбий денгиз кучларини ҳаводан қўллаб-қувватлаш, ҳаво-десант операцияларини таъминлаш, куч ва воситаларни тегишли ҳудудларга кўчириш сингари вазифаларни бажариш учун мўлжалланган.

ҲҲК таркибида жами саккизта авиақанот мавжуд бўлиб, улар 16 та жанговар авиация ва 16 та ёрдамчи авиация эскадрильяси, шунингдек, тўртта вертолётлар эскадрильяси ҳамда 1 та учувчисиз учиш аппаратлари (УУА) эскадрильясидан ташкил топган. Бу турдаги қўшинлар тасарруфида 449 та жанговар авиация самолётлари (F-15S/SA, «Тайфун», «Торнадо» IDS, F-15C/D «Игл», F-5E/R «Тайгер», «Бич-350ER» ва RE-3A/B типдаги); 313 та ёрдамчи авиация самолётлари (A.330 MRTT, «Сааб-2000», E-3A «Сентри», KC-130H, KC-130J, KE-3A, C-130H, C-130H-30, PC-9/21 «Пилатус», «Хок», «Цессна» 172/310 ва ҳ.к. типдаги); 66 та жанговар вертолёт (AB-412/212, S-70 AIL «Дезерт Хок», AS-61, AS-532 «Кугар», AS-365 N «Дофин») ҳамда 40 дан ортиқ учувчисиз учиш аппаратлари («Вин Лун», «Сакр-1», CH-4 ва «Фалко» типдаги) бор.

Саудия Арабистони ҲҲКнинг алоҳида тури ҳисобланувчи қироллик авиацияси асосан подшоҳ

оиласи аъзоларига хизмат кўрсатиш учун мўлжалланган бўлиб, унинг таркибидан 40 та йўловчи самолёти ва 11 та вертолёт жой олган.

ҲҲКга қарашли жанговар ва ёрдамчи техника воситалари еттита авиабаза ҳамда алоҳида объектларда, яъни подшоҳ Халид номидаги ҳарбий шаҳарча, ҳарбий-тиббий авиаотряд ва Подшоҳ Файсал номидаги ҲҲК коллежи ҳудудидеда жойлашади.

Бу турдаги қўшинлар учун учувчилар, техник ва маъмурий ходимлар тайёрлаш мамлакатнинг асосий ҳарбий ўқув юрти ҳисобланувчи Подшоҳ Файсал номидаги ҲҲК коллежи томонидан амалга оширилади. Бу ерда ўқиш муддати 3 йилни ташкил этади. Биринчи ўқув йили мобайнида курсантлар умумий ҳарбий тайёргарлик билан шуғулланиладилар, кейинги йилларда эса умумий таълим ва махсус тайёргарлик кўникмаларига, жанговар самолётларда учиш амалиётига эга бўладилар. Мухандис ва техниклар таркибини ўқитиш ҲҲКга қарашли Ҳарбий техника институти, шунингдек, Тайёргарлик маркази ва ҲҲК ҳарбий мактабида олиб борилади.

Ҳозирги даврда Саудия Арабистони ҚК қўмондонлиги ҲҲКнинг жанговар салоҳияти ва имкониятларини янада ошириш мақсадида АҚШ, Буюк Британия, Франция, Хитой, Туркия, Покистон, Ҳиндистон ва бошқа мамлакатлар билан ҳарбий-техник ҳамкорлик доирасида мавжуд жанговар авиация паркени такомиллаштириш, модернизациялаш ва замонавий техника воситалари, шу жумладан, қирувчи, қирувчи-бомбардимончи самолётлар, зарбдор ва кўп мақсадли вертолётлар, янги типдаги УУАлар билан таъминлаш бўйича бир қатор чора-тадбирларни амалга оширмоқда.

Хулоса ўрнида айтиш мумкинки, Саудия Арабистони Подшоҳлиги Ҳарбий ҳаво кучлари ўз жанговар имкониятларига мос равишда мустақил тарзда ва ҚКнинг бошқа турлари билан ўзаро ҳамкорликда душманнинг қуруқлик ва ҳаводаги группировкаларига авиазарбалар бериш, Қуруқликдаги қўшинлар ва ҳарбий флот кучларини қўллаб-қувватлаш, ҳаво-десантларини тушириш, разведка ишларини амалга ошириш ва шахсий таркиб ҳамда зарурий юкларни тегишли жойларга етказиш вазифаларини





бажаришга қодир. Ривожланиш дастурлари ва режаларида кўзда тутилган мавжуд авиация паркени такомиллаштириш, модернизациялаш ва янгилаш чоралари, шунингдек, шахсий таркибнинг тайёргарлик даражасини ошириб бориш тадбирлари мамлакат ҲҲКнинг жанговар салоҳияти мунтазам равишда ўсиб боришини таъминламоқда.



ҚЎШИН ТУРИ –

ҲАРБИЙ ҲАВО КУЧЛАРИ

Умумий сони – 20 000 киши

-  Жанговар авиация самолётлари – 449 та
-  Ёрдамчи авиация самолётлари – 313 та
-  Жанговар вертолётлар – 66 та
-  Учувчисиз учиш аппаратлари – 40 дан зиёд

5

YILLIK TAHSIL TANTANASI

Favqulodda vaziyatlar vazirligi akademiyasida bitiruvchi kursantlarga diplom va "leytenant" harbiy unvonini tantanali topshirish marosimi o'tkazildi.



Muallif suretiga olgan

Davlat va jamoat tashkilotlari vakillari, akademiya professor-o'qituvchilari, harbiy xizmatchilar, ommaviy axborot vositalari xodimlari ishtirok etgan tadbir davomida favqulodda vaziyatlar vaziri general-mayor Abdulla Qo'ldoshev hamda akademiya boshlig'i general-polkovnik Qobul Berdiyev so'zga chiqib, bitiruvchilarni samimiy qutladi. Ularning kelgusida o'z kasbining mohir ustasi bo'lib yetishishiga ishonch bildirildi. Shundan so'ng bitiruvchilarga ilk ofitserlik unvoni, diplom va ko'krak nishoni tantanali ravishda topshirildi. Bu lahzalar ularning hayotida bir umr zarhal sahifadek muhrlanib qoladi.

– Bugun quvonchimiz cheksiz, – deydi leytenant Avazbek Parmonov. – Bizni voyaga yetkazgan ota-onamiz, ta'lim-tarbiya bergan ustozlarimizdan minnatdormiz. Xalqimizning tinch-osuda hayotini asrashdek mas'uliyatli kasb bo'lmasa kerak. Qutqaruvchilikdek sharafli kasbni egallagan holda kelgusi xizmat faoliyatimizda favqulodda vaziyatlarning oldini olish hamda yong'in xavfsizligini ta'minlash yo'lida bor kuch-g'ayratimizni safarbar etishga va'da beramiz.

Joriy o'quv yilida "Yong'in xavfsizligi" va "Texnosfera xavfsizligi" mutaxassisliklari bo'yicha tahsil olgan 150 nafar bitiruvchidan 5 nafari o'qishni imtiyozli diplom bilan tamomladi. Tantana davomida so'zga chiqqan bitiruvchilar va ota-onalar o'zlarining his-hayajonga to'la tilaklarini izhor etib, yosh ofitserlarni samimiy muborakbod etdi. Tadbir shodiyonasi akademiya orkestri ijrosidagi Vatanni madh etuvchi kuy-cho'shiqlarga ulanib ketdi.

– Farzandim Islombek ofitserlik unvonini olib, mustaqil hayotga yo'l olayotganidan boshim ko'kka yetdi, – deydi polkovnik Nurjan Bekbaum. – O'zim ham shu sohada xizmat qilayotganim sababli oilamizda ushbu kasbga xos muhit shakllangan. Ishonamanki, o'g'lonim jonajon Vatanimiz va xalqimiz xizmatida bo'lib, ushbu oliy o'quv dargohida olgan nazariy bilim va ko'nikmalarini amaliyotda qo'llab, mustaqil yurtimiz osoyishtaligini ta'minlashga o'z malaka va shijoatini safarbar etadi.

Leytenant Dilshod RO'ZIQULOV,
«Vatanparvar»

Huquqiy targ'ibot

XAVFSIZLIK QOIDALARI
TUSHUNTIRILDI

O'zbekiston Respublikasi Harbiy prokuraturasi tomonidan Bo'stonliq tumani favqulodda vaziyatlar bo'limi hamkorligida "SOKOL" bolalar yozgi dam olish oromgohida keng qamrovli profilaktik tadbir o'tkazildi.



Unda tuman FVB mutaxassislari yong'in o'chirish texnikalari va uskunalar bilan ishtirok etib, bolalarga yuzaga kelishi mumkin bo'lgan favqulodda vaziyatlarda harakatlanish, o't o'chirish uskunalarini amalda qo'llash, suvda cho'kish bilan bog'liq vaziyatlarda jabrlanuvchini qutqarish va birinchi yordam ko'rsatish, cho'milish jarayonida xavfsizlik qoidalariga rioya

qilish xususida amaliy mashg'ulotlar asosida ma'lumot berildi.

Shuningdek, tadbir davomida oromgoh tarbiyalanuvchilari o't o'chirish uskunalarini bevosita o'zlari ishlatib, amalda sinab ko'rdi. Tadbir yakunida harbiy prokuratura xodimi va mutaxassislar tomonidan oromgohning yong'in xavfsizligi ahvoli o'rganilib, tegishli tavsiyalar berildi.

Shundan so'ng Chorbog' yong'in-qutqaruv otryadi mutaxassislari bilan "Chorbog'" oromgohida kichik hajmli kema haydovchilari hamda dam oluvchilar bilan cho'milish havzalarida xavfsizlik qoidalariga rioya qilish bo'yicha tushuntirishlar o'tkazildi.

Adliya polkovnigi Shuhrat SANAYEV,
Respublika Harbiy prokuraturasi bo'lim boshlig'i

Sayyor qabul

HARBIY XIZMATCHILARNING
OILA A'ZOLARI E'TIBORDA

O'zbekiston Respublikasi Harbiy prokuraturasi tashabbusi bilan Havo hujumidan mudofaa qo'shinlari va Harbiy havo kuchlari qo'mondonligi hamkorligida Toshkent viloyatida joylashgan harbiy qismlarning birida harbiy xizmatchilar va ularning oila a'zolari ishtirokida ommaviy sayyor qabul o'tkazildi.



Qabulda O'zbekiston Respublikasi Harbiy prokuraturasi bo'lim boshlig'i G. Tursunova, Havo hujumidan mudofaa qo'shinlari va Harbiy havo kuchlari qo'mondonligining tarbiyaviy va mavkuraviy ishlar bo'yicha o'rinbosari polkovnik D. Usmonov hamda mutasaddi idoralardan jalb etilgan soha mutaxassislari tomonidan fuqarolarning 43 ta murojaati qabul qilindi.

Murojaatlarning 30 tasiga qonuniy tushuntirish berildi, o'rganish uchun qo'shimcha vaqt talab etadigan 5 ta

murojaat nazoratga olingan holda tegishli mutasaddi idoralarga yo'naltirildi, 8 ta murojaat esa joyida hal etilib, qanoatlantirildi.

Shu bilan birga aholining reproduktiv salomatligini asrash maqsadida Yangiyo'l shahri tibbiyot birlashmasining malakali shifokorlari tomonidan ushbu harbiy qism harbiy xizmatchilarning oila a'zolari chuqurlashtirilgan tibbiy ko'rikdan o'tkazildi.

Kunning ikkinchi yarmida harbiy xizmatchilarning farzandlari uchun qurol-aslaha va harbiy texnikalar ko'rgazmasi namoyish etildi. Tadbir yakunida ishtirokchilar uchun kitob yarmarkasi ham tashkillashtirildi.

Adliya podpolkovnigi Oybek YULBARSOV,
Respublika Harbiy prokuraturasi katta yordamchisi

Qiziqarli fakt

DUNYO
KONSTITUSIYALARI

Buyuk Britaniya va Shimoliy Irlandiya Birlashgan Qirolligi Konstitutsiyasi 300 ga yaqin qonun hujjatlaridan iborat, ya'ni bu davlatda yagona Konstitutsiya hujjati mavjud emas. Ma'lumki, Konstitutsiya Asosiy qonun sifatida qonunchilikning umumiy mezonlarini, shaxs, davlat va jamiyatning huquq va majburiyatlarini belgilab beradi.

Biroq Buyuk Britaniya va Shimoliy Irlandiya Birlashgan Qirolligi, Isroil va Yangi Zelandiya kabi davlatlarda Konstitutsiya yagona qonun hujjati sifatida mavjud emas, balki ular bir nechta konstitutsiyaviy qonunlar va odatlar ko'rinishidadir.

Hindiston Konstitutsiyasi AQSh Konstitutsiyasidan farqli o'laroq, dunyodagi eng katta va murakkab

Konstitutsiya hisoblanadi. Mazkur Konstitutsiya hamma ham tushuna olishi juda qiyin bo'lgan tildagi 395 ta modda, 12 ta ilova va 500 ta tuzatishdan tashkil topgan.

AQSh Konstitutsiyasi dunyodagi eng kichik va eng o'zgarimas Konstitutsiya hisoblanadi. AQSh Konstitutsiyasining asosiy matniga hech qanday o'zgartirish kiritilmaydi, balki matn oxiriga alohida ilova sifatida qo'shimcha kiritiladi. Konstitutsiyaga kiritilgan birinchi tuzatishda belgilanishiga ko'ra, "Kongress so'z va matbuot erkinligini cheklovchi biror bir qonun chiqarishi mumkin emas". AQSh Konstitutsiyasi tarixi davomida unga bor-yo'g'i 26 ta tuzatish kiritilgan xolos. Shuni alohida ta'kidlash kerakki, ushbu tuzatishlar har birining hajmi deyarli qonunga teng bo'lib, o'nlab moddalardan iborat bo'ladi.

Yaponiya Konstitutsiyasining 9-moddasiga binoan, Yaponiya kelajakda urush olib borish huquqidan

hamda Quruqlikdagi qo'shinlar, Harbiy dengiz kuchlari va Harbiy havo kuchlari tuzish huquqidan abadiy voz kechgan bo'lsa-da, bugungi kunda Yaponiya harbiy xarajatlar bo'yicha dunyoda 5-o'rinda turadi. Yaponiyaning amaldagi Konstitutsiyasi Ikkinchi jahon urushidan so'ng qabul qilingan, matni asosan AQSh yuristlari tomonidan yapon huquqshunoslari komissiyasi tavsiyalarini e'tiborga olgan holda tuzilgan. E'tiborli tarafi, o'tgan davr mobaynida parlamentda Konstitutsiyani milliy ruhda qayta ko'rib chiqish borasida ko'p bor takliflar bildirilgan bo'lsa-da, shu kunga qadar uning matniga umuman o'zgartirish kiritilmagan.

Braziliya Konstitutsiyasida "Hindular to'g'risida" deb nomlangan maxsus bob mavjud bo'lib, u Braziliyada yashab kelgan tub aholiga taqdim etilgan alohida ustunlik va imtiyozlarga bag'ishlangan. Tub aholining urf-odatlarini, yashash tarzi hamda ularning son jihatidan kamayib borayotganini e'tiborga olgan holda, ularga taqdim etilgan maxsus imtiyoz va ustunliklar bevosita Konstitutsiyaning o'zida ko'rsatib o'tilgan. Mazkur imtiyozlar birinchi navbatda hindular yashayotgan tarixiy yerlarga taalluqli bo'lib, ularni ushbu joylardan har qanday usulda mahrum etish mamlakat parlamenti tomonidan hindu jamoalarning tegishli tartibda taqdim etgan xulosasi asosida amalga oshirilishi mumkin.

BIR CHIMDIM

Agar odam hamyonini boshiga bo'shatib qo'ysa, uni hech kim tortib ololmaydi. Bilimga sarmoya har doim eng yaxshi foyda keltiradi.

Ben FRANKLIN

MANTIQNI YOQ

Turkiyaga sayohatga borgan sayyoh mehmonxonada bir predmetni bir marta berib turishini so'raydi. Mehmonxona menejeri esa sayohatchining gapini noto'g'ri tushunib, unga ayron beradi. Aslida mehmon nimani so'ragan?

Javob: sayohatchi mehmonxonada dazmol (dazmol) so'zini inglizchada "iron" (talaffuzi "ayron") bo'lgani uchun unga yangilishib ayron berishgan.

Qafasda 3 ta quyon bor edi. Uch qizcha o'zlariga bittadan quyon berishlarini so'rashdi. Ularga so'rganlaridek, bittadan quyon berildi. Lekin baribir qafasda bitta quyon qoldi. Buni qanday tushuntirish mumkin?

Javob: qizchalarning bittaga quyon qafasi bilan bittaga berilgan.

Kelajagimiz egalari

YOSHLAR
SIYOSATI-
AMALDA

O'zbekiston Respublikasi mudofaasiga ko'maklashuvchi "Vatanparvar" tashkilotining Toshkent viloyati kengashida hududlardagi o'quv sport-texnika klublari rahbarlari, moliya xizmati boshliqlari ishtirokida navbatdan tashqari yig'ilishi bo'lib o'tdi.

Unda "Vatanparvar" tashkiloti Toshkent viloyati kengashi raisi Nurbek Otaqo'ziyev yoshlarga oid davlat siyosatini amalga oshirish bo'yicha qilinayotgan ishlar yuzasidan axborot berdi.

Shundan so'ng hududlardagi o'quv sport-texnika klublari rahbarlarining 2022-yilgi o'quv rejasiga asosan, o'z hududlari kesimida bu borada amalga oshirilayotgan ishlar yuzasidan hisobotlari tinglandi.

Shuningdek, joylarda o'z yechimini topmagan muammo hamda kamchiliklar yuzasidan xulosa va qarorlar qabul qilindi.

Baxtiyor YO'LDOSHEV

ТАЪЗИЯНОМА

Ўзбекистон Республикаси Мудофаа вазирлиги Ахборот ва оммавий коммуникациялар департаменти жамоаси мудофаага кўмаклашувчи «Ватанпарвар» ташкilotи матбуот хизмати бошлиғи Лазиз Бўроновга фарзанди Музаффарбек ОЛИМОВнинг бевақт вафоти муносабати билан чуқур ҳамдардлик билдиради.

@Vatanparvargazetasi_bot
"Vatanparvar" birlashgan tahririyati bilan bog'lanish uchun telegram bot



SHU SONNING
ELEKTRON SHAKLI

VATANPARVAR

MUASSIS

O'ZBEKISTON
RESPUBLIKASI
MUDOFAA
VAZIRLIGI

www.mudofaa.uz

Tahririyat kengashi:

polkovnik Hamdam Qarshiyev
polkovnik Otabek Yuldashev
polkovnik Alisher Boboxonov
Maqsud Abilov

Tahririyatga kelgan qo'lyozmalar taqriz qilinmaydi va mualliflarga qaytarilmaydi.

Mudofaa vazirligi Axborot va ommaviy kommunikatsiyalar departamenti – "Vatanparvar" birlashgan tahririyatining kompyuter markazida sahifalandi.

Bosh muharrir:

podpolkovnik Ahror Ochilov

ISSN 2010-5541

Gazeta O'zbekiston Matbuot va axborot agentligida 2008-yil 6-iyunda 0535 raqami bilan ro'yxatga olingan.

Telefonlar:

kotibiyat: 71 260-36-50
buxgalteriya: 71 260-35-20
yuridik bo'lim: 71 260-29-41
faks: 71 260-32-29

Navbatchi: leytenant Dilshod Ro'ziqulov

Sahifalovchi: Nodirabegim Valiyeva
Musahhih: Mastura Qurbonova

Buyurtma: F-0605

Hajmi: 6 bosma taboq

Bichimi: A3

Adadi: 30 873 nusxa

Bosishga topshirish vaqti: 14:00

Topshirildi: 14:30

Gazetaning yetkazib berilishi uchun obunani rasmiylashtirgan tashkilot javobgar.
Mualliflar fikri tahririyat nuqtayi nazaridan farqlanishi mumkin.

Gazeta juma kuni chiqadi.
Gazeta 1992-yilning 24-iyunidan chiqq boshlagan.

Nashr ko'rsatkichi: 114.
Bahosi: kelishilgan narxda.

"Sharq" nashriyot-matbaa aksiyadorlik kompaniyasida chop etildi.
Bosmaxona manzili: Toshkent shahri, Buyuk Turon ko'chasi, 41-uy.

1 2 3 4 5 6

Manzilimiz:

100164, Toshkent, Universitet ko'chasi, 1-uy.